





宋元詩會卷之二十六

皖桐陳

焯默公輯選

後學程

仕松皋叅較



孫覺

字莘老高郵人甫冠從胡瑗受學為同學所推登進士調
 合肥主簿試館職預首選為校勘神宗初以昌王記室擢
 右正言坐希旨舉劾大僚落職通判越州徙通州以其諫
 院召嘗入對神宗言劾呂惠卿為利之故屈身王安石其交
 必解後果交惡復奏青苗所不願出為知廣德軍徙湖州
 廬州丁祖母憂去服除知蘇州福州入為祕書少監哲宗
 立遷右諫議大夫進吏侍擢御史中丞
 移疾提舉許州靈仙觀卒年六十三

介亭

真人昔未起奔鹿駭四方連延天目山西乳百里長有地跨江
 海無種生侯王中宵燎穹旻列石表壇場朱旗大梁野英氣吞
 八荒寥寥百年後故物亦已亡所餘彼巉巖峰巔屹相望主人
 承明老星斗工文章築亭紫霄上坐客蒼林旁攀雲弄明月曉

星生扶桑禹山隔波濤簡書永埋藏願逢希夷使水土還故常

李鷹

字方叔其先自鄆徙華鷹六歲而孤能自奮立稍長以學問稱鄉里謁蘇軾于黃州贊其文軾曰子之才萬敵也鄉舉試禮部試典貢舉遺之賦詩自責謀諸范祖禹將同薦之會相繼去國不果軾亡鷹哭之慟作文祭之日皇天后工鑒之一生忠義之心名山大川還萬古英靈之氣讀者悚然卒年五十一

文選樓

申轅應楚聘鄒枚適梁苑藩侯喜賓客賢賢易鷹犬黃綺遊漢庭羽翼繒繳遠秦府十八公攀附名益顯昭明梁才子文囿俾蒐選高齋切浮雲雉堞俯晴巘尚應媿河間筆削非大典

驪山歌

君門如天深九重君王如帝坐法宮人生難處是安穩何為來此驪山中復道連雲接金闕樓觀隱煙橫翠紅林深谷暗迷八

駿朝東暮西勞六龍六龍西幸峩眉棧悲風便入華清院霓裳蕭散羽衣空麋鹿來遊墟市變戎上朝元春半老滿地落花人不掃羯鼓樓高挂夕陽長生殿古生青草可憐吳楚兩醯雞築臺未就已堪悲長楊五柞漢幸免江都樓成隋自迷由來流連多喪德宴安鳩毒因奢惑三風十愆古所戒不必驪山可亡國書侍兒小瑩裙帶

旋剪香羅列地垂嬌紅嫩綠寫珠璣花前欲作重重結繫定春光不放歸

張耒

字文潛淮陰人十三歲能文十七作函關賦已傳人口遊學于陳學官蘇轍愛之因得從軾遊軾稱其文汪洋冲澹有一唱三歎之致弱冠第進士官主簿尉丞用范純仁薦為祕省正字歷著作郎史官檢討擢起居舍人紹聖初坐黨籍連貶徽宗立召為太常少卿復坐黨籍落職言者謂耒聞蘇軾訃舉哀行服遂貶房州別駕晚監南嶽廟卒年

夏日書懷

士而懷其居孔子亦云非賢臣事晉侯夜載使逃齊醜毒比燕
 居君子不可懷樂小必害大安近遠之迷野芻養騏驥當念和
 鑿馳一飽願即止幾何非犬雞高賢意有在汲汲不敢違安能
 守槽樞長伴兒曹嬉

感遇

穰侯擅閔中頗畏諸侯客榜車計已遲終困范公策庸夫吞富
 貴百計私自惜勢移禍敗至智巧竟何益至公覽英俊直補乃
 無隙請看桑林餓亦脫趙子厄

斑竹

重瞳陟方時二妃蓋老人安肯泣路傍洒淚留叢筠頗疑葛陂

化點點留斑鱗慎勿脫水去人世多埃塵

糴官粟有感

持錢糴官粟日夕擁公門官價雖不高官倉常苦貧兼并閉困
 廩一粒不肯分伺待官粟空騰價邀吾民坐視既不可禁之亦
 紛紜擾擾田畝中果腹才幾人我欲究其原宏濶未易陳哀哉
 天地間生民常苦辛

離黃州

扁舟發孤城揮手謝送者山回地勢卷天豁江面瀉中流望赤
 壁石脚插水下昏昏烟霧嶺歷歷漁樵舍來此寔三載鄰里通
 假借別之豈無情老淚為一洒篙工起鳴鼓輕櫓健如馬聊為
 過江宿寂寂樊山夜

晚歸寄無咎

屋東雲移山屋西日半壁餘天一劍青遠雨萬絲白官事癡可
了未遭官長責惟應晁夫子不可別頃刻

廣化遇雨

浮雲蔽高峰臺殿延晚色風聲轉谷豪雨脚射山白東樓瞰虛
明龍甲排檜栢蕭森異人境坐視動神魄撞鐘寺門掩晚霽尚
殘滴相携下山去塵靜馬無迹歸來解鞍歌新月如破壁但恐
桃花源回舟已青壁

贈無咎三首

文風還正始磊落有諸君長者進後生亦使我有聞譬如狸與
虎偶使並稱文終然不可及因我力空勤
觸有羸其角進有跋其胡膏車秣吾馬白日在修途雖乏無何
杯頗多未見書力學致事功良田本深鋤

黃子少年時風流勝春柳中年一鉢飯萬事寒木朽室有僧對
談房無妾持帚此道人人事誰令余獨不

阿兀

小兒名阿兀眉目頗踈明日來書案傍學我讀書聲男兒事多
多何必學書自古奇男子往往羞為儒阿兀笑謂爺薄雲無密
雨看爺饑寒姿兒豈合貴富翁家破篋中惟有書與史教兒不
讀書更欲作何事

寓陳雜詩三首

朝雨如紛絲咫尺不相辨俄然晨光漏紺碧出天面天工易明晦
頃刻俄屢變今朝事大定雲物卷組練客有北來說蠹生被
數縣穀穗無一粒遺稈如立箭畀田成大澤投種哀莫見官人
惜不知猶喜如輸租辦興懷及鰥寡獨吾飽飯

秦子死南海旅骨還故墟辛勤一生事空得數篇書琅琅巧言語
玉佩聯瓊琚知者能幾人憎者頗有餘書生事業薄生世苦
勤劬持以待後世何足潤槁枯興懷及平昔使我涕漣如道路
阻且長悲哉違撫孤

開門無客來永日不冠屨客知我老懶投刺輒復去端成兩相忘
因得百無慮故人在傍罷書信不能屢興哀東坡公將捨邦
山暮不能往一慟名議真有負可能金玉骨亦逐黃壤腐但恐
已神仙裂石終飛去

寄答參寥

我生為文章與眾常不偶出其所為詩不笑即嘲詬少年勇自
辯盛氣爭可否年來知所避不敢出諸口時時未免作包以十
襲厚低心讓兒曹默默眾人後見君不能已頗亦陳所有君豈
少取之時以佳句授幽絃喜有聽清唱慰孤奏如何瞥然去使
我不得友

夏日雜感二首

群動入夜息我歸亦安眠脫我身上衣投枕體宴然朝日常營
營有生不可閒義和戢其光幸此須臾間人生一世中大小無
百年胡為不自暇長抱勤苦歎才者勇設施談者夸死權彼有
驅其心欲休諒無緣我本與世疎少慵老成頑何為不引去坎
軻行所艱

娟娟檐前月雖缺自媚好團團理絲蟲養身恃其巧無能老編
蝠乘夜出堂奧那能捕飛蚊未解聒耳聞悲歌草間蚓辛苦自
鳴噪爾生可以默何所欲而噪鳴哇訴其渴謂若天可禱瘖蟬
死不鳴豈以訴無效悠悠羣動情誰能辨醜好我歌豈徒然亦

用自警告

冬日放言 二首

秦人焚詩書意欲遂絕滅六經至今存何曾損豪髮興衰有天
理人力自淺拙不憂驪山墓回首遭發掘
元子本豪爽頗復有俗氣孟嘉亦可人乃與較權勢崛強盡百
年究竟成何事江左無英雄汝得免徒隸

潘郎以予生日見過致酒出兩詩

東風沛甘雨百物一時好江邊桃李盡紅紫到百草道傍負擔
子寒食歸祭禱念我淮上丘三年不躬掃
淮陽牡丹窟盛不數伊洛姚黃一枝開衆艷氣如燦亭亭風塵
表獨立朝萬萼誰知臨老眼更復羨葵藿

于湖曲 并序

蕪湖令寄示溫庭筠湖陰曲其序乃云晉王敦反屯于湖陰
帝微行至其營敦夢日遠之覺而追不及故樂府有湖陰曲
按晉地志有于湖而無湖陰本紀云敦屯于湖陰察營壘而
去余頃遊蕪湖問父老湖陰所在皆莫之知也然則帝至于
湖當為斷句乃作于湖曲以遺之使正其是非云

武昌雲旗蔽天赤夜築于湖洗鋒鏑巴滇駭駿風作蹄去如飛
沒來不嘶日圍萬里纏孤壁兵氣如霜已潛釋蛇矛賊士識天
顏玉帳髯奴落妖魄君不見銅駝陌上塵沙起朔騎春來飲渥
水浮江天馬是龍兒感踏揚州開帝里王氣尚縣五百秋弄兵
老淟空白頭石城戰骨卧秋草更欲君王分上流

蘇叔黨呂知止自許下見訪叔黨有詩見贈賦詩奉答

三年齊安看江山可當中原故人面北來塵埃逢故人眼前却

作江山見君似江山定不踈能出吾言世亦無蘇郎下筆妙無
敵呂郎與談驚未識鳳雛驥子未宜輕囊空各有千金璧贈君
錦繡英瓊瑤報我琅玕金錯刀溪毛橫汙未相棄歲暮與君甘
緼袍

少年行

少年賣珠登主門主家千金惜一身綠鞵請罪見天子尚得君
王呼主人聞雞走馬長安道豪傑驅來奉談笑漢庭碌碌公與
侯畏禍憂誅先白頭

代贈

洞房飛香作春霧仙人歡酒香中語明眸第二紫雲娘鶯學歌
聲柳如舞蹙眉長歌澧有蘭銀勾請君春草篇繁絃高張燭燒
夜玉壺未盡參在天春泥雪消淮上路東風浪欲驚客槽惱公

舊事幾魂夢過眼根相逢一風雨黃流清洛上天漢吳山洞庭藏
水府謾題詩句寄歸舟江口風狂那得渡

片雪歌

瑤池一片孤飛雪風急身輕飛不歇誰將翠袖遮得歸十斛明
珠換與誰金龜貴客迎將去玉作輜輶載烟霧人間不解桃李
心獨與琵琶自相語主人白頭情不親朱樓夜鎖梨花春願同
花落寄流水飄出朱門隨路塵長恐此生空已矣從此失身輕
薄子人生但樂兩心知誰是瓊瑤孰泥滓鶯鷺中彈花辭樹蝶
散蜂稀春日暮風光不斷流水長不知片雪今何處

飛螢詞

碧梧含風夏夜清林塘五月初飛螢翠屏玉簟起涼思一點秋
心從此生方池水深溪雨積上下輝輝亂凝碧幸因簾捲到華

堂不畏人驚拂瑤席漢宮千門連萬戶夜夜熒煌暗中度光流
太液池上波影落金盤月邊露銀闌蒼蒼玉漏遲年年為爾足
愁思長門怨妾不成寐團扇美人還賦詩避暑風廊人語笑欄
下撲來羅扇小已投幽室自分明更伴殘星碧天曉君不見連
昌宮殿洛陽西破瓦頽垣今古悲荒榛腐草無人跡只有秋來
熠燿飛

偶書三首

秋陰漫漫幾千里赤墜磯前天接水連檣接柁不復行老魚摩
波時出戲黃橙紫栗收如積青錢買酒不堪惜北人歲久厭南
餐山邊有路何時還

窮秋盡夜陰如一夜不見星朝蔽日枯疇已獲大野空怒江未
落連州沒長魚撥刺不受釣漁子高眠守蓬葦紫髯舊宮誰復

遊鼎峙雄心久蕭瑟

周郎戰處滄江回魚龍蕩瀟山石摧荆州艤舫莫舉楫走君不
勞一炬灰當年雄豪誰復在喬木荒煙忽千載斬竹截作寸笛
材一寫山川萬古哀

勞歌

暑天三月亢無雨雲頭不合惟飛土深堂無人午睡餘欲動身
先汗如雨忽憐街里負重民筋骸長轉十石弩半衲遮背是生
涯以力受金飽兒女人家牛馬繫高木惜恐奔驅犯炎酷天工
作民良久難誰知不如牛馬福

江南曲

江浦芽白江水綠江頭花開自幽淑人家晨炊欲熟時旋去網
魚惟所欲往來送租只用船未省沙泥曾汗足有錢買酒醉鄰

里終日數口常枉目不學長安貴公卿每遣離心寄朱轂朝遊
巖廊暮海島遣人未歸心自逐

牧牛兒

牧牛兒遠陂牧遠陂飼牛芳草綠兒怒掉鞭牛不觸澗邊柳古
南風清麥深蔽日田野平烏犍礪角逐草行老犍卧唯飢不鳴
犢兒跳梁沒草去隔林應母時一聲老翁念兒自携餉出門先
上岡頭望日斜驟雨溼蓑衣拍手唱歌尋伴歸遠村放牛風日
薄近村牧牛泥水惡珠璣燕趙兒不知兒生但知牛背樂

讀中興頌碑

玉環妖血無人掃漁陽馬厭長安草潼關戰骨高於山萬里君
王蜀中老金戈鐵馬從西來郭公凜凜英雄才舉旗為風偃為
雨洒滌九廟無塵埃元功高誰與紀風雅不繼騷人死天水部

胸中星斗文太師筆下蛟龍字天遣二子傳將來高山十丈磨
蒼崖誰持此碑入我室使我一見昏眸開百年廢興增歎慨當
時數子今安在君不見荒涼浯水棄不收時有遊人打碑賣

魯直惠洮河綠石作冰壺研次韻

洮河之石利劍矛磨刀日解十二牛千年荒徼困沙磧一日見
寶來中州黃子文章妙天下獨駕八馬森幢旒平生筆墨萬金
直竒煤利翰盈篋收誰持此研參案几風瀾近手寒生秋包持
投我棄不惜副以清詩帛加璧明窗試墨吐秀潤端溪歛州無
此色野人齋房無玩好慙愧衣冠陳裸國晁侯碧海為文辭盤
礴萬頃澄清漪新為來如徹扎箭勁筆更似畫沙錐知君自足
報蒼壁愧我空賦瓊瑰詩

福昌秋日效張文昌二首

秋野無人秋日白禾黍登場風風索索豆田黃時霜已多桑虫
食葉留空柯小蝶翩翩晚花紫野鶉啄粟驚人起洛陽西原君莫
行秋秋處處傷人情

黃桑蕭蕭秋水清田中日午村鷄鳴場邊九月禾黍熟空原雉
飛飽新穀棗籬蟲鳴村路曲道邊古墳生野菊人稀田濶草茫
茫洛陽秋深能斷腸

題韓幹馬圖

頭如翔鸞月頰光背如安輿鳧臆方心知不載田舍郎猶帶開
元天子紅袍香韓幹寫時國無事綠樹陰低春晝長兩鬢執轡
儼在傍如瞻馳道黃屋張北風揚塵燕賊狂廐中萬馬歸范陽
天子乘騾蜀山路滿川首著為誰芳

罔沙阻風

大江春風浪如屋客舟迎風罔沙宿連檣接柁古岸傍岸頭無
人春草綠船頭日出炊煙起買魚攜菜來就市漁人水惡不出
門蕭條野市無雞豚堤邊紙錢灰若雨洗酒賽神巫降語南人
艇子不避風橫江五兩翩翩去

北鄰賣餅兒每五鼓未旦即遶街呼賣雖大寒烈風不廢
而時略不少差因為作詩且有所警示結柅

城頭月落霜如雪樓頭五鼓聲欲絕捧盤出戶歌一聲市樓東
西人未行北風吹衣射我餅不憂衣單憂餅冷業無高卑志當
堅男兒有求安得閒

讀蘇子瞻韓幹馬圖

我雖不見韓幹馬一讀公詩如見者韓生画馬常苦肥肉中藏
骨以為奇開元有臣善司牧四十萬匹屯山谷養之罕用食之

豐力不曾施空長肉韓生圖像無乃然我謂韓生巧未全君不見昔時騏驎人未得饑守監車唯有骨昂藏不受塵土侵伯樂未來空佇立騏驎乏食肉常懼韓生不寫瘦馬駒誰能為騏傳之圖不如凡馬飽青芻

再和馬圖

我年十五遊關西當時唯揀惡馬騎華州城西鐵駿馬勇士十人不可羈牽來當庭立不定兩足人立迎風嘶我心壯此寧復畏撫鞍躡鞚乘以馳長衢大呼人四走腰穩如植身如飛橋邊爭道挽不止側身逼墮壕中泥縣空十丈才一擲我手失轡猶攢蹄迴頭一躍已在岸但見滿道人嗟咨關中平地草木短晝日散漫游忘歸驅馳寧復受鞭策進止自與人心齊爾來十年我南走此馬嗟嗟入誰手楚鄉水國地卑汚人盡乘船馬如狗

我身未老心已哀夢寐時時猶見之想圖思画忽有感况復慷慨吟公詩達人遇境貴不惑世有尤物常誰得寧能使我即無情搔首長歌還歎息

郭圃送蕪菁感成長句

蕪菁至南皆變松松美在上根不食瑤簪玉筍不可見使我美食思故國西鄰老翁知我意盈筐走送如雪白蒸烹氣味元不改今晨一餐和南北孔明用蜀最艱窘百計捃拾無遺策當時此物助軍行渭上褒中有遺植英雄臨事究瑣屑終服奇才屈彊敵想見躬耕自灌畦當時有意誰能測

蕭朝散惠石本韓幹馬圖馬亡後足

世人怪韓生画馬身苦肥幹寧忍不画驥骨當時廐馬君未知開元太平國無事戰馬卷甲飽不騎玉關索駝通萬里長安第

宅連諸姨笙歌錦繡遍一國六龍長閒空食粟霜甜秋草沙苑
遊日暖春波渭川浴雕圓腰穩日生光細尾豐膺毛帖肉珠鞍
玉鞞驕不行豈有塵埃侵四足韓生丹青寫天廐磊落萬龍無
一瘦豈知車下骨迴身側顧不無意剪駿絡頭嗟失真君不見太
里騰驤已有神迴身側顧不無意剪駿絡頭嗟失真君不見太
宗戰馬拳腹毛身騎此馬縛羣豪龍虎精神金鼓氣豈有閒地
供脂膏至今畫圖快胃臆想見虬鬚親破賊那知但愛廐中肥
漁陽筋脚蹄如石神駒入水隨煙雲蜀山石路無行人六驥悲
鳴足流血騎驛遺事一酸辛

奉先寺

荒涼城南奉先寺後宮美人官葬此角樓相望高起墳草間栢
下多石人秩卑焚骨不作塚青石浮屠當丘墳家家墳上作享
亭朱門相向無人聲樹頭土梟作人語月黑風悲鬼搖樹宮中
養女作子孫年年犢車來作主廢后陵園官道側家破無人掃
陵域官家歲給半千錢街頭買餅作寒食

田家

野塘積水綠可染舍南新柳齊如剪去冬雪好麥穗長今日雨
晴初擇繭東家饋黍西舍迎連臂踏歌村市晚婦騎夫荷兒扶
翁月出橋南歸路遠

海州道中二首

孤舟夜行秋水廣秋風滿帆不搖槳荒田寂寂無人聲水邊跳
魚翻水響河邊守罾茅作屋罾頭月明人夜宿舡中客覺天未
明誰家鞭牛登隴聲

秋野蒼蒼秋日黃黃蒿滿田蒼耳長草虫虫唧唧鳴復咽一秋雨

多水滿轍渡頭鳴春村徑斜悠悠小蝶飛豆花逃屋無人草滿
家累累秋蔓縣寒瓜

女几祠下

山邊白雲閒不掃山下松花龍甲老東風古相吹暖香廟前土
馬荒春草朝霞為裳水為珮守廟千年老龍在清風掃堂神欲
還山頭月出溪潺潺

從黃仲閔求友于泉

炎暑戰已定清秋當抗衡碧雲生雁思幽草見蛩情晒麥村墟
靜觀書枕簟清誰能酌玄酒來破屈原醒

贈陳履常

勞苦陳夫子欣聞病肺蘇席門迂此數僧來及時無旨蓄親庖
急青錢藥裹須我場方不給何以繫君駒

至安化驛先寄淮陽故人

蕭條安化驛倦客思悠哉積水連天濶青山送客來疎籬風捲
葉敗屋雨生苔寄語淮陽舊人今放逐回

酬同年徐正夫司戶時欲築室嵩洛間

少別老相見無言空惘然功名屬多病詩酒樂衰年峯厭顏公
粥囊須趙壹錢歸裝何日辦嵩少好林泉

破幌

破幌一點白卧知千里明低窗通雪氣喬木尚風聲傳柝軍城
靜鳴鐘梵刹清高眠尋斷夢隣樹已烏驚

秋懷三首

木落晚風急宵涼侵暑衣有期惟向老無計未成歸只益顛毛
脫還從髀肉肥感時仍弔古回首意多違

哀鬢不堪洗病軀先覺陰天寒白日短歲暮亂山深薄酒醒無力危絃奏不禁謀身老逾拙三聽洛陽砧
清秋萬里興力疾上高臺歲熟雉兔飽風高榆柳摧晚篁元自綠幽菊為誰開寂寞無人問鄉書久不來

宿銅陵

山色日已遠問人歸路長碧天涼後濶秋物雨餘荒人靜路旁寺鳥啼林下房銅陵竟何就空死漢吳王

冬夜

山靜寒雲薄天空孤月明霜桐占塔影風葉繞廊聲經濟心難就蹉跎歲屢更冥鴻本清遠何事亦宵征

和西齋

山色供開鏡溪光照掩扉暗蟲先夜響萋葉近秋飛灌壠晴蔬出窺籠暮鶴歸鳴琴坐朗月輕露點秋衣

春寒

客舍逢桃李清尊聊自懽夢中驚夜雨醉裏度春寒草色遠還綠鳥聲晴更繁預期多病眼花發莫辭看

歲暮書事二首

歲晏北風疾山空萬谷號木枯隨意折鴻斷不成高深屋支蓬戶溫爐暖緼袍老天元不寐鳴竹鼓蕭騷
原廟依岡起傳為世祖營南陽無雉熊耳合投兵霜日蓬原路天風栢殿聲山川英氣在不負昔聞名

宿東路魯父店

郡國何時極羈愁觸處生望隨天不盡春共野兼平煙樹淮南濶漁鹽楚俗輕飄零五年別歎息鬢毛更

春望

暖日晴熏草清淮濶浸天地連遠水城廢人春田目極風燈外
愁縣淚臉邊人生苦多感花柳自年年

同七兄及崧上人自墳莊還寺

和風快人意岸憤晚衿涼日落野痕碧月生淮際光論詩得靈
運靜語屬支郎不是耽閒散從來懶性長

蔡河漲

渾渾雖未已浩浩竟東歸濶處長天近澄邊一鳥飛西風踈葦
亂斜日遠村微淹泊役吾道扁舟伴釣磯

泊長平晚望

江穩夷猶擢春歸杳靄天翠深文岸樹綠遠望川田漁酒數家
市帆檣何處船登臨一回首無恨亦依然

夏日三首

蚓壤排晴圃蝸涎印雨堦花鬚嬌帶粉樹角老封苔問字病多
忘過隣慵却迴晚涼還盥櫛對竹引清杯

細徑依原僻茅蓬四五家山田來雉兔溪雨熟桑麻竹籠辰收
果茅菴夜守瓜頗知農事樂從此問生涯

夜色川原合秋聲草木催星辰隨地濶河漢抱山來栖鶴涼先
警饑鳥夕未回高樓對斜月鳴笛正清哀

冬日禱興三首

池館留餘雪西山照夕曛臘催梅蘂迸春向鳥聲新愁思仍當
病風光欲近人年年桃李樹相對只傷神

南壁蒼崖壯窮冬井落閒風聲先老樹日色避諸山落雁饑相
向啼鳥夕自還微寒月影蓬戶已深闌

擊柝山城閉踈燈野店扁疾風鳴夜谷晴水動浮星霜翼歸何
晚鄰機織未停短歌時自和愁絕更誰聽

建平途次

野橋田徑滑官路柳條新流水伴遲日野花留晚春
空知去翼衝綠有歸人自笑諳岐路無勞更問津

暮春

夜雨輕寒拂曉晴牡丹開盡值清明庭前落絮誰家柳葉裏新
聲是處鶯白髮欲來如有信青春歸更去無情便當種林長成
酒遠學陶潛過此生

夏日襟興

墻下溪流清且長夾溪喬木雨蒼蒼裏風翠果擎枝重照水圓
荷舞葉涼蝸殺已枯黏粉壁燕泥時落汚書牀南山野客閒相

過贈我能携葉滿筐

屋東

蒼鳩呼雨屋東啼麥穗初長燕子飛竹裏人家雞犬靜水邊官
舍吏民稀溪聲夜漲寒通枕山色朝晴翠染衣賴有西隣好詩
句賡酬終日自忘饑

登海州城樓

城外滄溟日夜流城南山直到城樓溪田雨足禾先熟海樹風
高葉易秋踈傳里閭詢故老秦皇車甲想東遊客心不待傷千
里檻外風煙盡是愁

京師廢宅

當道朱門白晝扃高堂歌吹久無聲古窗積雨昏殘画朽樹輕
陰長寄生門下老人時酒掃舊時來客歎平生艷姬驕馬知何

處獨有庭花春自榮

登城樓

沙雨初乾中褐輕獨披蓑蔓步高城天晴海上峯巒出野暗人家燈火明歸鳥各尋芳樹去夕陽微照遠村耕登樓已恨荊州遠况復安仁白髮生

送泗州推官王永年致仕還鄉王年四十而致仕士大夫

所少也

為憶田園便拂衣休官退勇似君稀塵埃擺脫青衫去閭里驚嗟黑髮歸南畝稻糧仍歲熟舊山芝朮入秋肥百年從此皆閒日寄語人間浪是非

自海至楚途次寄馬全玉

蕭蕭晚雨向風斜村遠荒涼三四家野色連雲迷稼穡秋聲催

曉出薰葭愁如夜月長隨客身似飛鴻不記家極目相望何處是海天無際落殘霞

夏日

黃簾翠幕斷飛蠅午影當軒睡未興枕穩海魚鑄紫石扇涼山雪面青繒廊陰日轉雕欄樹坐冷風生玉盃冰滿案詩書塵蠹甚故應踈懶過炎蒸

遣興和晁應之

蓬門鳥雀啣黃昏歸遲牛羊各有羣水澗蛟龍陰後出山空虎豹夜深聞西來谷引秦川雨南去秋連楚澤雲唐漢廢興無處問西風禾黍但丘墳

渡洛因泛舟東下數里頗憶淮上

泫泫清洛轉山隈渺渺東流不復回輕鳥竟隨青嶂去亂波爭

泛夕陽來偶驚舟楫鄉新心起乍脫塵埃病眼開疑是盱眙郭門
外月明帆席過清淮

和周廉彥

山光不動晚雲垂芳草初長襯馬蹄新月已生飛鳥外落霞更
在夕陽西花開有客時携酒門冷無車出畏修泥襪洛濱期一
醉天津春浪綠浮堤

春日遣興

流光向老惜芳菲搔首悲歌心事遠綠野染成延晝永亂紅吹
盡放春歸荆榛廢苑人間牧風雨空城鳥夜飛斷送一番桃李
盡可憐桑柘有光輝

卧病月餘呈子由

風葉鳴窗已復朝喚回歸夢故山遙酒壺暗淡浮塵集藥鼎青

熒敗葉燒閉戶獨依寒蟋蟀移牀更就兩芭蕉病深欲請安心
術長日如年未易消

次韻張公遠

平淡春雲捧額浮秋光劍戟近人流無腸可斷方為恨有藥能
治不是愁欲待挑琴聊試術未傳驅豆更何謀遙知添得寒窗
夢尤在華堂綺席頭

雙槐晚秀三月一日初見新葉

東皇無處著繁華亦復分張到我家他日老蒼悲敗枿今晨嫩
綠出新芽秃翁承弁織纖髮村婦縈鬟草草花桃李蹊中人迹
絕綠陰門巷正藏鴉

登山望海

鳥去蒼煙古木人歸綠野孤舟信美雖非吾土消愁且復登樓

雪溪道至四安鎮

苔雪清秋水底天
夜帆燈火客高眠
江東可但鱸魚美
一看溪山直萬錢

上元都下二絕

淡薄晴雲放月華
晚粧新暈臉邊霞
管絃樓上爭酤酒
巧笑車頭旋買花

驕馬金鞭白面郎
雙鬟小女坐車箱
輪聲轆轤歸何處
留得紅籠絳蠟香

傷春二首

浮雲冉冉送春華
怯見春輕寒日欲斜
半夜雨聲能幾許
曉來落盡一城花

嫩紫妖紅惜不得
亂隨風雨點蓬蒿
荒田野草花開晚
主管春

光屬爾曹

春雨中偶成

春陰只與睡相宜
卧聽鳴禽語復飛
一縷斷香浮不散
何人深院晝熏衣

懷金陵二首

壁月瓊枝不復論
秦淮半已掠荒村
青溪天水相澄映
便是臨春閣上魂

曾作金陵爛漫遊
北歸塵土變衣裘
芰荷聲裏孤舟雨
卧入江南第一州

宗元詩會卷之二十七

阮桐陳

焯默公選輯

後學程

仕松皋恭較

賀鑄

字方回衛州人孝惠皇后之族孫也長七尺面銹色喜談時事可否不少假借博學彊記工詩文尤善于度曲化陳語為新奇出人意表其氣概雄爽近于任狹初娶宗人女諱籍右選益太原工州元祐中李清臣執政奏換通直郎通判泗州又倅太平州以尚氣使酒不合于時退居吳下自號慶湖遺老以終有集二十卷

故鄴

按鄴都記漢建安十二年曹操滅袁氏始大築鄴當時京兆洛陽南陽許皆大都而鄴為之長操子丕代漢復定都洛陽此後僭竊更據鄴而未始殘破元魏孝文帝自代南巡駐蹕鄴下久之以南望枉人山北接栢人縣非善地遂去之河南將行挂飯罌于城樓上識者解之挂飯縣殮也豈待玄孫宅

此乎至孝靜帝果為高歡劫遷都鄴齊五主營建宮室規模
壯麗逾前魏周武平齊焚撤略盡及楊堅克尉迴遂滂瀟之
築京觀于葛屨山徙郡治安陽鄴猶為屬邑熙寧間始廢之
戊午九月獨遊晚歸馬上賦

魏武昔恢圖北平譚尚孽卜鄴新都非徒為三穴將行遷鼎
志遽有分香訣落日總帳空奠終歌舞闋旋看灋洛上載起蒼
龍闕四葉不歸東苔花馳道絕食槽讖終駭挂飯期先決攫攘
百年間累車尋覆輒山川氣象變朝市繁萼歇白露復青蕪茫
茫換時節陰風吹葛屨燐火走兵血木葉下西陵寒蟲助騷屑

燭蛾

雙蛾來翩翩慕此堂上燭附炎竟何功自取焚如酷感彼萬動
微保生在無欲不見青林蟬飲風聊自足

題蘭陵王碑陰

碑載王名肅字長恭北齊文襄之子王有武略善撫士每得
一瓜數李必分甘餌衆金墉之戰免胄先登推功第一今蘭
陵王曲即凱歌也為後主所忌得疾不治而卒以鳩薨墓在
洛陽西南十里碑字大兼分隸法有古氣而不著書人名又
乃盧思道也

齊室生武賢蘭陵類頗收析瓜饗虎士饜慰比梁肉金墉免胄
戰破陣何神速樂府有遺聲當歌凱旋曲磐宗既不壽霸祚宜
爾促十代六百年人間變陵谷荒塗接幽壠誰復禁樵牧窆石
半歌摧鉤鋤斷鼈足蒼苔蝕篆刻仰睇眩塵目操翰無愧辭千
言不為辱人生安區別其盡同草木何待雍門彈令君淚盈菊
冠氏送武欽之安陽

黃金絡征轡之子待明發樽酒少遲留禪林見涼月歌鬟結蛾
黛怨此佳期濶去去柳堤風青蟬催白髮

遊雲龍張氏山居

雲龍山距彭城郭南三里郡人張天驥聖塗築亭于西麓元
豐初郡守眉山蘇公屢登燕于此亭下畜二鶴因以放鶴名
亭復為之記亭下有小屋曰蘇齋壁間榜眉山所留二詩及
画大枯株亦公醉筆也壬戌秋余初至徐張惠然見臨繼相
招為山中遊

管舂張逸民卜築雲龍山東望結遐想喜得彭城官一語定襟
契宛如平生歡招攜屬休沐投此蘿薜間女僕侯門巷青桂雙
翠鬢蘇齋軒戶明餅火焚椒蘭寶墨鬼神護清詩冰玉寒森然
拱簷留架石排琅玕東趨放鶴亭磴道披茅菅指顧百村落炊

煙林莽間日脚灑平陸兩山如斷環淒風振晚葉坐怯衣裘單
引領紫霄極飄飄如可干緬懷眉山公五馬來遊盤酣興走顛
筆蒼崖即鏡刊午年仲冬月雪野雲彌漫掃石坐舒嘯惠泉烹
鳳團當時詭盛集千古陋達安俛仰迹遂陳斯人久泥蟠我來
後千日逸躡何由攀仰懷勝事往俯遵塵路還山英能不辱時
歎白雲関

登黃樓有懷蘇眉山

登黃樓望黃州黃州望不見樓下水東流水流何可留浮雲更
悠悠傷心澤畔客憔悴楚蘭秋

和張謀父遊石佛山觀魏太武書

按南北史彭城圖經魏太平真君十一年太武南侵至瓜步
築宮駐蹕聲欲渡江宋人患之遣使請婚饋百牢以犒師明

年春旋師渡淮復留連徐方再旬始北去今彭城南五里因
小鑿佛高十許丈東北百步有大磐石歌枕小溪劃然四字
曰阿彌陀佛皆徑尺餘蓋當時太武以鐵鑿畫是字非刊刻
也乙丑秋張謀父賦詩要余屬和焉

中區昔屯否代邦天所開鴻圖屬太武不世英雄才南洗洛陽
血西盪長安灰輶車十萬乘略地驅風雷一葦濟長淮築宮瓜
步隈東隣拜牢饒走使為婚媒雲旗即歸路覽勝此徘徊俯揮
鉄馬鞭頑石同陶坏劃成四大字屹栗陰虹摧淪精入崖壑怒
氣羞蟠回茫茫六百年風雨生莓苔偉蹟寢銷泯威靈安在哉
君為訪古遊賦詩迨七哀人生誰不爾零落全塵埃

登金陵雨化臺

迢迢朱雀航飛蓋共凌越東風石子岡芳草微徑絕生公法堂

枉清夜貯明月回認城郭遊春萼爛晴雪長煙動江隩微雲起
山脅連牆去逢回白鳥屢明滅

遊百福寺即唐詩人張司業藉故居

文昌西郭居修竹閉環堵琴樽不復存青蓮開梵宇塵紛晦遺
像粉繪才可覩拜奠愧無言長哦古樂府

金山

輕舸放中泠岸遠春風壯檝師俯仰呼天水爭簸蕩吾方扣其
舷聊賡小海唱稍回即東麓側磴聯履杖危刹表層巔疲筋躡
牽彊斜廊繚複殿魚脊分背向放目四垠寬秋毫入吾望侵雲
鉄甕壘岬起無緣傍映日海門山不帶滄波上吾雖百石吏平
昔有微尚俄得金仙徒翦蘿開岫峴誓投桑榆年浮玉翁自况
和潘幽老漢上厲目

白雲蒙山頭清川山下流芳洲采香女薄暮漾歸舟並蒂雙荷
葉逢迎一障羞持情不得語大婦在高樓

望夫石

亭亭思婦石下閱幾人代蕩子長不歸山椒久相待微雲蔭髮
彩初月輝蛾黛秋雨疊苔衣春風舞蘿帶宛然姑射子矯首塵
冥外陳跡遂無窮佳期曾莫再脫如魯秋氏妾結桑下愛玉質
委泥沙悠悠復安在

寄題潯陽周氏漁溪草堂

江萼人周茂叔仕至高書郎累使嶺表中年投節退居潯城
之南溪上因名漁溪以自况二子壽元翁燾字次元相踵第
進士丙子五月余儀舟漢陽始與元翁相際求余賦詩

漁溪之水清未足濯公纓平生抱苦節成就此溪名長獻置符

傳孤雲歸思輕溪頭四壁居溪下百畝耕量汲奉晨盥課樵共
夕烹希逢杖屨遊但聽絃歌聲為客開三逕傳家惟一經雙珠
光點乘合璧價連城褐被有餘樂問嫌無隱情管仰名父子今
推難弟兄不應文範後遽謂公慙卿勒詩高崖石敢告後代生

彭城三詠

元豐甲子余與彭城張仲謀父東萊寇昌朝元弼彭城陳師
仲傳道臨城王適子立宋城王珣文舉采徐方陳迹分詠之
余得戲馬臺斬蛇澤歌風臺三題即賦焉

秦蛇已中斷劉項方龍戰叱咤沮風雲睚眦走霆電鴻溝一畫
天地開楚王洗劍東歸來新都形勝控淮泗籠山絡谷營高臺
重瞳登覽何為者不知招賢知戲馬上如激矢下投九蘭筋霜
腕復回盤半夜悲歌騅不逝明日陰陵行路難駉牝三千歸漢

苑粟豆尤香蠹縣官君不見萼山之陽古坳牧春風吹草年年
綠 右戲馬臺

君不審泗濱昔日有亭長送徒咸陽失收掌澤中置酒飲相訣
五亦從茲犇苙碭陰風蕭蕭尊者懼前有修蛇怒橫路酒酣拔
劍首留行劃斷蜿蜒不回顧河明月出人踵來彼媼何冤號且
哀謂遭赤帝屠吾子語竟莫知安在哉真人審此自心許茫茫
四海吾其主虎變龍飛十二年歲項集英直狐鼠半夜雄鉞飛
上天幾見長陵一坏土 右斬蛇澤

漢祖高風百尺臺千年客土生蒿萊無窮人事水東去如故地
形山四來江淮猶沸鯨鯢血八十一車枉歸轍白叟逢迎皆故
人斗酒歡呼惜將別峭漣迢迢非我鄉歿生此地烏能忘酒闌
鳴筇動雲物青衫兜曹隨柳楊爾時可無股肱力端思猛士卒

四方君不審淮陰就縛何慷慨解道烏盡良弓藏 右歌風臺

江南曲

遊倡辜杜若別浦鴛鴦落向晚鯉魚風客檣千里泊當時桃葉
是新聲千載長餘隔水情烏衣巷裏人誰在白鷺洲邊草自生

留別僧訥

穴從西班誰比數牛僧馬醫猶爾汝詩解窮人未必工苦調酸
聲效梁父榮陽道人方外交謂我有言追屈騷驪珠不惜彈黃
雀狗尾何堪聯黑貂秦淮潮上扁舟發後日相思一書札千里
同風了了然人間無處無明月

叢臺歌

累土三百尺流光二千年人生物數不相待摧頽故址秋風前
武靈舊隴今安在秃樹無陰困樵采玉簫金鏡未銷沈幾見耕

夫到城賣君不費叢臺全盛時綺羅成市遊春暉一從瑀輦開
荒草蕭散行雲無復歸招魂想像風流在晴萼露蔓猶依稀榮
紆棘迎撩人衣禾黍晚成豨豨肥層簷碧瓦碎平地夢作鴛鴦
逐伴飛登臨弔古將語誰城郭人民今是非指君看取故時物
南有清流西翠微彷徨莠表不能去豈獨遼東丁令威

雨餘晚望

相應乳鳩鳴桑間返照平明津小舫度高隴一牛耕林藪歸心
徒塵埃病骨輕屈騷魂爽在未許獨君清

自鄆還徐道口

八月過新雨行雲弄晚涼山川乍明晦禾黍半青黃西去真何
事東還非故鄉悠悠塵土裏無路不吐芽

丙寅舟次宋城作

水館兩邊村登臨奈斷魂黃花開小徑紅粉哭高原舟楫逢新
火松楸老故園斜陽一千里依約是蘇門

訓桂林從叔

江到三湘盡山圍八桂深龍蛇寒不蟄霧露晝多陰迢遞馳梅
信殷勤訪竹林淮南風土美留滯亦何心

懷寄潘孝本兼簡其子言

春色先梅嶺秋聲後桂林溪通五羊險雲近九疑陰無雁難逢
信有猿能伴吟燒春酒自美應對阿戎斟

宿黃葉嶺田家

聚落荒山裏畬田歲不登牛衣障隙雪鼠穴見隣燈愁入魚難
暝寒凝酒亦冰悵然歌白石推枕待晨興

金陵懷寄歷陽王掾

宋元詩會 卷之二十七 鈔本
征魯亭邊路望夫山下舟長江不隔夢明月祇供愁促席歌塵
斷閨窓醉墨留惜芳橋畔柳誰繫木蘭舟

秦淮夜泊

官柳動春條秦淮生暮潮樓臺見新月燈火上雙橋隔岸聞朱
箔臨風弄紫簫誰憐遠遊子心旆正搖搖

秋夜香雨

故國心馳北扁舟計漫東寒生一夜雨病涉兩秋風落泊籬根
葉幽憂屋角蟲何情悲節物聊自况衰翁

龜山晚泊

春候半寒溫維舟淮上村長林補山罅青草際潮痕久厭浮家
役重招去國魂禪房欲舒寫煙雨促黃昏

江夏寓興

風與檣鳥便儂先塞雁來山經七澤斷潮自九江回漁父猶知
隱騷人枉街才朋遊正相遠梅信為誰開

病後登快哉亭

經雨清蟬得意鳴征塵斷處見歸程病來把酒不知厭夢後倚
樓無恨情鴉帶斜陽投古殺草將野色入荒城故園又負黃昏
約但覺秋風髮上生

題永城縣園水亭

詰曲池塘碧玉流禊亭孤占小汀洲長紉座上芳蘭佩不繫簷
前画鷁舟好泛羽觴修舊事為書繭紙記清遊季真待得東還
日初見紅蕖十畝秋

罷大臣屬為淮南行

何處經行特惘然津頭曾送木蘭舡桃花春水生前夜楊柳秋

風憶故年驛路尺書疑斷絕官倉斗米愧留連飄飄復作江湖計從此長安是日邊

與張歷陽追懷從禽之樂因賦

宜秋門外養鷹坊好草陂頭射雉場油幕氈廬張野飲錦袍貂帽結戎妝興闌落日黃塵斷夢後西風白髮長誰念江湖獨流寓此情難話與漁郎

歷陽姥磯下馬上有懷京都遊好

楚澤初冬正獲田孤鴻欲下却翻然人煙隱約青山郭雲物離披小雪天送別盃盤猶昨日勞生鞍馬遂窮年故人多在金閨籍誰念心如寸斷絃

宿芥塘佛祠壁間得魏湘畢平仲張士宗昔所留字皆吾故人也

青青薤夾欲抽芒浩蕩東風晚更狂微徑斷橋尋古寺短籬高樹隔橫塘開門未掃楊花雨待曉先燒柏子香底許暫忘行役倦故人題字滿長廊

上巳晚泊龜山作

薄暮東風不滿帆遲遲未忍去淮南故園猶在北山北佳節可憐三月三蘭葉自供遊女佩共編聊對故人談洛橋車騎相望客曾為吳兒幾許慙

寄清涼和上人

南國風流百不存石頭今是給孤園山連雉堞斜侵路潮送漢舟自到門方丈定容居士病自多應待客兒翻縣知後日逢迎際桃李春風兩不言

潘幽老出十數詩皆有懷蘇儋州者因賦

人煙寂絕鬼門關更指儋州杳莽間三四月交天漏雨東南地
盡水浮山依迷春草錫原失響像秋風鶴馭還回羨河陽賢父
子雪堂曾伴十年閒

答致仕吳朝請登黃鶴樓見招

城隅黃鶴莫登臨端使悲翁勳楚吟日下長安人共遠天圍夢
澤歲方陰北風欲雪雁飛急南浦始冰魚伏淡誰似草堂安隱
客下帷隱几不求心

高郵舟中對雪

天涯晚歲客無歡擁鼻微吟行路難三楚浮程波森森五陵歸
夢雪漫漫兔園授簡心猶壯剡曲拏舟興久闌病骨支離仍禁
酒漁蓑重緝待春寒

廣陵茱萸灣晚泊

冷雲拋雪未成花過埭東風凍著沙荻浦漁歸初下雁楓橋市
散只啼鴉舊看南國饒春事行見東風換物萼老病心情亦何
有藥囊詩卷是生涯

擬溫飛卿

露網朱甍上風簾翠幙前宿衾熏齒茗朝鏡拂漪漣津潤銷金
筆香依撲粉綿度閱雙陸子撥恨十三弦鸚鵡殷勤語旃檀委
曲煙鮫綃乾玉筋魚鑰限金蓮團扇訝桃葉烏絲代杏牋朱門
長宵宵白馬自翩翩難釣三珠樹徒拋七寶鞭酒闌應有待夢
破即無緣信鵲新秋去孤蟾夜圓浪言牆外地的是洞中仙

郎官湖

按李白詩序云乾元歲流夜郎遇故人尚書郎張謂使夏口
瑀州杜太守漢陽王令觴于江城之南湖張公四望超然請

白標之嘉名白因號之即官湖席上文士輔翼岑靖以為知
言今所謂即官湖者占郡城之北束手于兩山間縱廣百許
步固不足四望而超然也已知其非是且郡南瀕江之人持
南唐時地券尚指即官湖為薌蓋湖為江水所并而去城里
餘猶有洲渚隱然未泯乃湖之故防也余丙子五月舟次丐
陽求訪遺老始得其詳因賦此詩志之

當年賢守令載酒沔南遊涼月呈新霽明湖涵素秋即官夏口
使仙客夜郎囚促膝青螭舫連觴紫綺裘高驩隨雨散餘躅想
風流芳草失青履滄波浮白鷗江吞百頃盡石刻一篇留宜有
沈碑者前懷陵谷憂

過曹氏園馬上作

香風細細出重墻不見繁枝已斷腸知有何人卷簾箔卧看零

落滿斜陽

斗峴山

西來投策倦躋攀晚葉寒花一逞間盡日間雲不留雨斜陽還

照隔江山

晁補之

字無咎濟州距野人父端友工于詩補之幼慧善屬文年
十七從父倅杭州著述以謂通判蘇軾軾極稱之由是
知名舉進士及別試皆第一調澧州司戶參軍召試徐祕
省正字歷著作佐郎章惇當國出知齊州坐修神宗寔錄
失寔左官徽宗立召拜吏部員外禮部郎中黨論起為諫
官管師仁所論出知河州府徙湖州密州果州遂主宮觀
還家葺歸來園忘情仕進大觀末
出黨籍起知泗州卒年五十八

荳葉黃

蕪葭蒼荳葉黃南村不見岡北村十頃疆東家車滿箱西家未
上場荳葉黃野離離鼠窟之兔入畦豕母從豚兒豕啼豚啣啣

街角復銜萁荳葉黃穀又熟翁媪哀鋪糜粥荳葉黃葉黃不獨
荳白黍堪作酒瓠大棗紅皺荳葉黃穰穰何膻膻腰鑣獨健婦
大男徃何許官家教弓刀要汝殺賊去

視田贈八弟無斃二首

河流之所濡一斛泥數斗我莊當水窮乃以石田瘦尚無東陵
瓜况有南山豆天雨不可期且復鞭牛後
薄遊廢家務待子營糗糧莊奴不入租報我田久荒凌莧馬到
門碑兀牛卧場立苗蒼耳根此策殊未長

謁岱祠即事

澤南三百里極望橫天雲雲端色凝黛諦視初可分崢嶸介丘
像頽洞元氣屯頃刻有變化慘淡殊明昏天行帝出震其位生
物元不周債西北川乃東南奔寧知六鼈死竟使三山淪不有

是難傾孰維大塊根嘗聞周官說寶惟天帝孫神靈所鎮守民
物斯茫存幽明昭一理有道惟常尊不覺下馬拜僮奴亦遵循
迺知正直理足使冥頑敦莫宿太平驛不眠慮絲芥明朝好天
色萬象開胚渾勢橫恒碣盡支靡齊魯躡五色冒日觀一握通
帝闕恢拓下摧唯青蒼上氤氳泉石競沮洳煙嵐互紛綸高舉
躡風海深蹯蹈火輪濤波卷堆阜一一溟渤吞棊枰視井邑已
著藏松椿碧瓦峙雙闕紅墻繚長闔願瞻巖闈宮內滌邪垢魂
賜臣登絕頂一覽神秀原萬壑射窈窕三壇直矗嶙峋莽不覩項
領何能窮眈跟稍稍指鳧繹依依數亭云松列大夫爵羸識將
軍墳瑣屑澗花麗霏微崖藥熏廣大良有以奇險安足論解榻
坐中觀洗心馳大鈞初疑無字碑瑩潔誰敢文又怪玉女井高
絕何由齋俯穿闌仙巖鳥下天壁垠側度五賢堂熊經背逆迺

劍石危數履女蘿柔屢捫揮斤八極遠風來袂軒軒寥寥廓自無
梯猶疑天可賓陰谷不敢視恐落魑魅羣安得遂獨徃身如黃
鵠翻徒觀衆山小愁絕下天門

送君

送君上馬時不道朝鑪煥春風入木心
皮肌發紅綠春風良易莫那得勤行路
且莫望南窗胡蝶飛無數

上馬

上馬笑屬君歸期在十日來時草白芽
歸時青鬱鬱來嗔馬蹄急歸嗔馬蹄緩
人心自如此馬蹄終不變

開梅山

開梅山梅山開自熙寧之五年其初連
峯上參天巒崖盤嶮闕羣蠻南北之帝
鑿泥元此山不圯藏雲煙躋攀鳥道出
蒼蔚下

視蛇脊相黃緣相黃緣窮南山南山石
室大如屋黃閔之記盤瓠行跡今依然
高辛氏時北有貌貅壓境中下令購其
首妻以少女金盈斗遍國無人畜狗厥
初得之病老婦以盤覆瓠化而走堪嗟
吳將軍屈死折折口帝皇下令萬國同
事成遠信道不容竟以女妻之狗乃負
走逃山中崖幽絕不復人跡通帝雖
悲思深徃徃求輒遇雨與風更為獨力
之衣短後裙六男六女相婚姻木皮草
寔五色文武溪赤髀皆子孫自以吾父
有功母帝女凌夷夏商間稍稍病侵侮
周宣昔中興方叔筭振旅春秋絕筆逮
戰國一負一勝安可數邇來梅山恃險
阻黃芽竹箭靈霧雨南人顛踣斃溪弩
據閔守隘類穴鼠一夫當其阨萬衆莫
能武欲知梅山開誰施神禹谷大使身
服儒賓客盈幕府檄傳徃初疑叩馬卒
歡舞坦然無障塞土石填溪渚但恐閔
梁通失

宋元詩會 卷之二十七
制後誰禦開梅山開山易防獠難不如昔人閉玉關

胡戡秀才效歐陽公集古作琬琰堂

君不見廬陵公往為學士修書日詔畀千金訪遺逸遺文逸字
往往出故都易姓幾兵火量醫鼎腹細詰道人均嶁空有聞
丘陵仙鬼事恍惚共和十鼓記亡一嶧山肉在無復骨雲陽八
體又瓜剖至使潼訛尉律世儒詭正何足藏公家家安取千軸
藏題籤甲乙潁水陽後來胡君癖膏肓傾家自構琬琰堂搜羅
近出補厥亡荒林圯冢見未嘗南觀禹穴計渺茫閉門睥睨在
一牀常恨平生好古家無力騎馬蹊田觀斷刻中郎二字煩走
驛率更三日勞野食長年囊楮况易擲免作墓朱婦遮壁願從
胡君丐無有十百數中聊取仇胡君今逸民盱眙不見十五春
坐令鉛繫老壯士朝廷豈無憂國人曩時豪氣今雖在會面只

謀千日醉聽君汗漫馳古先世事無何付蟬蛻

贈戴嗣良歌時罷洪府監兵過廣陵為東坡公出所獲西

夏刀劍公命作詩

三郎少日如乳虎代父搏賊驚山東硬弓長箭取官職自說九
戰皆先鋒將軍拳勇饋不繼痛惜靈武計奇空城頭椰榆下俛
走壯士志屈羞填匈平生山西踏霜雪洪府下溼蹄兒童聞名
未識二十載初見長揖東坡公銳頭短後凜八尺氣似飲井垂
檐虹只令不語當陣立望見已是干夫雄往年身奪五刀劍名
玉所擐犀札同晨朝携來一府看竊指私語驚庭中紅妝擁坐
花照酒青萍拔鞘堂生風螺旋鋸鏑波起脊白蛟隻挾三蒼龍
試人一縷立褫魄戲客三招森動容東坡喜為出好礪洮鴨綠
石如堅銅收藏入匣人意定蛾眉稍進琉璃鍾太平君子尚小

宋元詩會 卷之二十七 鈔本
恣戒懼邾小母并蜂舞干西階庶可覩跳空七劍今何庸從公
取礪歸作硯聞公嘗諫求邊功

李成季得闍子常古琴作

昔人流水高山手此意寧從絃上有闍侯卷舌卧閭里意向是
中留不朽似聞綠綺置牀頭暑雨東城無麥秋趙傳和氏齋五
日吳得湛盧當西州李侯得意誇題柱成詩欲使邀諸路自有
桓山石室彈深屋時聞繭抽緒無琴尚可何獨絃要識精微非
度數人生有累無非失我欲心灰木為質嬾從微的自凝塵老
向詩書逾愛日自言結習久難除猶理斷編尋止息焦城卜築
近連軫歸約闍侯亦蕭瑟舊聞君祖課木奴試買瑕丘百株粟

吳松道中二首

停舟傍河滸四顧盡荒原日落狐鳴冢天寒犬吠村繫帆凌震

澤槍雨入盤門悵望夫差事吳山閔楚魂

曉路雨蕭蕭江鄉葉正飄天寒雁聲急歲晚客程遙鳥避征帆
却魚驚蕩漿跳孤舟宿何許霜月繫楓橋

濟州道中寄葉勛秀才

曉路入西郊新霜著鬢毛負文借羸馬慈母授征袍野靜狐狸
出天寒鴈鴟高艱難憶親舊清淚漬平臬

同魯直和普安院壁上蘇公詩

畏暑聊尋寺追涼故遶池雨園鳩喚婦風徑燕將兒散篆縈簾
額留雲暗井眉龍蛇動屋壁知有長公詩

千秋嶺上

永日倦高躋盤回四望迷松根危抱石嶺路曲隨溪馬腹飛雲
薄山腰過雨低陰崖不可度誰此構長梯

魚溝懷家

生涯身事任東西，藥笥書囊偶自賁。
柳嫩柔柔鴉欲乳，雪消水動麥秋齊。
沙頭晚日檣竿直，淮上春風鴈鷺低。
歸去未應芳物老，桃花如錦遍松溪。

送曾子方福建轉運判官

談經草檄鬢華生，初擁閩山傳節行。
江入桐廬青欲斷，溪從劍浦碧來迎。
茶雖戶種租宜薄，鹽不家煎價欲平。
要使祈招歌德意，君恩不為遠人輕。

泗州王諫議明叟留飲

雲水東遊蚤歲懷，半生塵土却教回。
兩行堤柳關心在，一點淮山入眼來。
北省主人誇酒好，南風稚子喜帆開。
揚州底事牽行色，端為瓊花芍藥開。

澠池道中寄福昌令張景良通直

十年一夢間湖湘，欲往從之道阻長。
可但知君愛彭澤，不應言我薄淮陽。
馬穿峭底流泉白，鳥下開頭落照黃。
愁作驛亭寒不寐，懷人思古九迴腸。

次韻邠倅王征夫

函谷雞鳴滿面塵，夫君泛愛尚為親。
清時有味俱吾黨，黃髮相看更幾人。
物理未驚翁喪馬，世情應笑子知津。
似聞絕色風沙苦，只約觥船莫負春。

蠖軒孤坐寄曾南教授八弟

畏暑經旬不涉街，蠖軒孤坐壁生苔。
出簷碧筍猶爭長，映戶丹榴故後開。
雙蝶風前愁夜去，一蟬雨外送秋來。
曾南瘦弟應相憶，白髮遷兄未放回。

遊華嶽歸道中望仙掌

深巖踏遍尋歸路仙掌依然在碧虛無限遊人重駐馬豈惟狂
客倒騎驢挂圖天漢朝霞上落影秦關夕照餘千古全生纔一
士可憐登覽盡丘墟

國子監莫歸

杖履清晨往縑囊薄莫歸閒官廳事冷蝴蝶上堦飛

譙國嘲提壺

何處提壺鳥荒園自叫春夕陽深樹裏此持勸何人

揚州禱詠二首

阜茨村南三里許春江不隔一程遙
雙堤聞起如牛角知是隋家
萬里橋

龍興寺裏青雲幹后土祠中白雪葩
五百年間城郭改空留鴨

脚伴瓊花

題廬山

南康南麓江州北五百僧房綴密脾
盡是廬山佳絕處不知何處
合題詩

遇赦北歸

山猶故險水猶奔無復前年濺淚痕
自是人心隨境別櫓聲帆色
盡君恩

皖口寄懷前太平守陳公度

常愛東陵早拂衣我行曾不叩荆扉
憑君天柱峰頭望看我扁舟
幾日歸

沈括

字存中錢塘人博學善文以父任調沐陽主簿擢進士弟
為館閣校勘刪定三司條例首訂南郊禮省費萬計神宗

稱善遷中允進太常丞同修起居注上問以籍民車及禁
 蜀益私并西事奏對明暢擢知制誥往聘朔方考究疆界
 本末塞其爭地之請歸拜翰林學士以蔡確論出知宣州
 召知審官院又出知延州至鎮整理邊政佐西討有功加
 龍圖閣學士坐徐禧軍敗謫均州團練副使元祐初以光
 祿少卿分司居潤卒年六十五○按宋史叙括為沈遼沈
 遼諸父行而鄧氏函史則
 稱從兄弟或別有考歟

江南曲

新秋拂水無行跡夜夜隨潮過江北西風卷雨上半天渡口微
 涼含曉碧城頭鼓響日脚垂天際籠煙鏤山色高樓索莫臨長
 陌黃竹一聲無北客晴平田苦少人耕惟有蘆花滿江白

潤州甘露寺

前照坊送作張先詩今改正

丞相高齋半草萊舊時風月滿亭臺地後日月生時見眼到江
 山盡處回三國是非春夢斷六朝城闕野花開心隨潮水漫漫
 去流向煙村半日來

秀州官舍秋日

草滿池塘霜送梅林疎野色近樓臺天園故越侵雲近湖上孤
 城帶月回客夢冷隨風葉斷秋心低逐雁聲來流年又喜經重
 九可意黃花是處開

仙都

苔封輦路上青山鶴馭遼天去不還惟有銀河秋夜月鼎湖煙
 浪到人間

姑孰

新晴渡口百花香石子池頭鴨弄黃捲幔夕陽留不住好風將
 雨過梅塘

歸計

住山人少說山多空只年年憶薜蘿不是自心應不信眼前歸

計又蹉跎

歎老

為覓少年心不得當時感舊已潛然情懷此日君休問又老當時二十年

沈遼

字叡達遼弟也幼挺拔不羣長而好學傲晚一世為文初宗左班二史鋤植縱舍自成一家澹于進取用兄在任監州酒稅吳充使三司薦監內藏庫熙寧初為審官院主簿受知王安石及其當國更張法令遼持論不阿日益見疎坐與其曹長不合罷去久之監杭州軍資庫攝華亭縣適他使者至修夙怨中以法奪官流永州更救徙池州遂築室齊山之上名曰雲巢以老焉間作為文章

雄奇峭麗尤長于歌詩元豐末卒年五十四

余讀子厚書始聞鈇母潭榜舟西江下振步愚溪南高下凌山阿松篁蔽秋嵐上人識其地古木森榭楠水深日波瀾此理亦

易探古木為鈇母土音正相參所記或不然信書殊未甘此公廢已久山水窮年耽造化毫楮間浮寔微相鈇幽心有默識西歸助清談

贈別子瞻

平生雅遊眉陽客五年不見鬚已白借錢田東坡在江北芟夷蓬蒿自種麥相逢不盡一樽酒故態那復論歡戚手抱阿武勸餘漑維摩老夫失定力老夫寂寂出三湘更欲卜居池水陽薄田止須四十畝田上更樹麻與棗老來正苦迫生事清明雖近猶未秧罷亞若可博乾麩以無易有遙相望我舟即行不得駐欲卜後會誠茫茫他時有信如相寄不用辛苦為詩章

龜茲舞

龜茲舞龜茲舞始自漢時入樂府世上誰傳此樂名不知此樂

猶傳否黃扉朱郎晝無事美人親尋教坊譜衣冠盡得画图看
 樂器多因西域取紅綠結裊坐後部長笛短簫形製古雜婁楷
 鼓舊所識饒貝流蘇分白羽玉顏二女高髻花孔雀羅衫金画
 縷紅靴玉帶踏筵出初驚翔鸞下玄圃中有一人奏羯鼓頭如
 山兮手如雨其間曲調襟晋楚歌詞至今傳晋語須臾曲罷立
 前庶歎息平生未嘗睹清都閬苑昔有夢寂寞如今在何所我
 家家住江海涯上國樂事殊未知玉顏邀我索題詩它時有夢
 與誰期

宋元詩會卷七二十八

皖桐陳

焯默公輯選

後學程

任松臯叅較

王存

字正仲潤州丹陽人幼善讀書年十二辭親從學於江西
 五年始歸作古文數十篇鄉先生歎為不及登慶歷六年
 進士調嘉興主簿擢上虞令除密州推官召為國子監直
 講歷史館檢討知太常禮院素與王安石厚及論事抵牾
 遂謝不往元豐元年擢修起居注請復唐貞觀執筆隨宰
 相入殿故事神宗避之聽直前奏事以右正言知制誥可
 條陳多忤執政遷閣直知開封府進密直改兵部尚書轉
 戶部拜中大夫尚書右丞遷左丞出知揚州以吏部尚書
 召再與當軸者戾除知大名府政
 杭州紹聖初致仕卒年七十九

覆驗餘杭道中

一夫死非命勸念更兩吏一囚坐法誅三覆與衆棄去年交趾
 敗殺戮無賤貴江淮屢歲背積殍溝壑穢聖人於赤子愛重若
 彼至謹小以遺大誰其原帝意

王巖叟

字彥霖大名八年十八舉明經由涇州推官遷右司監權給事中時命執政不當輒力諫得寢乃止以直縣知齊州召侍講適英殿拜簽樞密院事為御史鄭雍所擊目為黨人罷知鄭州徙河陽卒

延慶寺龍潭

龍隱幽潭事已空惟餘翠竹間蒼松路窮西北無他景只有青

山一萬重

王欽臣

字仲至熙寧間由西京縣令召入議法與王安石不合令學士院試殿一篇但賜出身仍歸本任

試院題壁 二首

蜀國相如竄有詞武皇深不同時時凌雲賦就還無用寂寞文園意可知

古木陰森白玉堂老年來此試文章日斜奏罷長楊賦閒拂塵

埃看畫舫

按稗史欽臣試賦畢就院壁題字介甫使人錄之乃二詩也為改奏罷長楊賦作奏賦長楊罷云

王安石

字介甫臨川人善讀書研精善屬文曾舉以其文質歐陽修大稱善為延譽登進士上第簽書淮南判官秩滿例許獻文試館職安石獨不進調知鄞縣執政薦召試鞫辭提江東刑召修起居注辭八九乃受遷知制誥糾在京刑獄以母憂去終英宗之世不起神宗在穎邸講官韓維呂公著數稱揚之因寤寐其人甫即位召入為翰林學士一見意合遂柄用創法更制欲致國於富彊為堅僻自信以同異為喜怒斥逐正直引用檢邪卒禍天下其為文蒼勁峻整學博識高終不以相業廢之

雜詠 二首

懷王自墮馬賈傅亦死悲古人事一職豈敢苟然為哭死非為

生吾心良不欺滔：聲利間絳灌亦何知

先生善鼓瑟齊國好吹竽操向向齊人雅鄭亦復殊豈不得祿

賜歸卧自歆歔寥：朱絲絃老矣誰與娛

定元詩會
卷之二十八
三
存素堂
日月隨天旋疾遲與天侔寒暑自有常不顧萬物求蜉蝣蔽朝
夕蟪蛄疑春秋眇：上古歷回環今幾周

古詩 三首

少年見青春萬物皆嫵媚身雖不飲酒樂與不可醉一從鬢上
白百不見可喜心腸非故時更覺日月駛聞歡已倦往得飽還
思睡春歸只如夢不復悲憔悴寄言少年子努力作春事亦勿
怪哀翁哀強自然異

散髮一扁舟夜長眠屢起秋水瀉明河迢：藕花底愛此露的
灤復憐雲綺靡諒無與歌絃幽獨亦可喜
悲哉孔子沒千歲無麒麟虫：盡鉏商此物誰能珍漢武得一
角燔烹誣鬼神更以鑄黃金傳夸後世人

叔孫通

先生秦博士秦禮頗能熟量主欲有為兩生皆不欲草具一王
儀羣豪果知肅黃金既徧賜短衣亦已續儒術自此凋何為反
初服

楊劉

人各有是非犯時為患害唯詩以譎諫言者得無悔汾王昔監
謗變雅今尚載末俗忌諱繁此理寧復在南山詠種豆議法過
四罪玄都戲桃花母子受顛沛疑似已如此况欲諄：誨事變
故不固楊劉可為戒

飯祈澤寺

駕言東南遊午飯投僧館山白梅葉長林黃柳芽短筇箸沙際
來略約桑間斷春映一川明雪消千壑漫魚隨竹影浮鳥誤人
聲散翫物豈能留干時吾自懶

遊鯨厭海濁出戲清江濤風濤助翻騰網罟不敢窺失身洲渚
間螻蟻乘其機物大苦易窮一窮無所歸
猛虎卧草間羣鳥從噪之萬物忌強梁寧獨以其私帑終機械
得鳥亦彈丸隨山雞不忤物默與鳳凰期

客至當飲酒

天提兩輪光環我屋角走自從紅顏時照我知白首纍纍地上
土往平生及少年所種樹礫砢行復朽古人有真意獨在無
好醜冥誰與論客至當飲酒

崑山

世傳陸氏家生機雲故名崑山言生玉也

玉人生此山山亦傳此名崖風與穴水清越有餘聲悲哉世所
珍一出受敬傾不如鶴與猿棲息尚全生

田單

潛王萬乘齊走死區燕田單一即墨掃敵如風旄舞鳥怪不
測騰牛怒無前飄樂毅去磊砢功名傳掘葬與劓降論乃愧
儒先深誠可奮土王蠋豈非賢

寄吳氏女子

伯姬不見我乃今始七齡家書無靈月豈異常歸寧汝夫綴卿
官汝兒亦搢珽兒已受師學出藍而更青女復知女功婉嫵有
典刑自吾捨汝東中父總在廷小父數往來吉音汝每聆既嫁
遂願懷孰知汝所丁而吾與汝母湯慰幸小停丘園祿一品吏
卒給使令膏梁以晚食安步而車駢山泉皋壤間適志多所經
汝何思而憂書每說涕零吾廬所封殖歲久愈華菁豈特茂松
竹梧楸亦冥冥芰荷美花賞瀾漫爭溝涇諸生肯來遊誰謂川

無聆姑示汝我詩知嘉此林垞未有擬寒山覺汝耳目熒因之
授汝季季也亦淑靈

要望之過我廬

念子且行矣要子過我廬汲我山下泉煮我園中蔬知子有仁
心不忍釣我魚我池在人境不與獷獺居亦復無蟲蛆出沒爭
腐餘食罷往遊觀鱖：藻與蒲清波映白日擺尾揚其鬚豈魚
有此樂而我與子無擊壤誼聖時自得以為娛

車載板二首

荒哉我中國珍果所不生朝暮惟有鳥自呼車載板楚人聞此
聲莫不笑而莞而歌更歌呼與之相往返視遇若搏黍好音而
覘皖攘：生死夢久知無所揀物弊則歸土吾歸其不晚歸歟
汝隨我可相蒿里挽

烏有車載板朝暮嘗一至世傳鵬似鴉而此與鴉似唯此預人
死以此有名字疑即賈長沙嘗時所遭值洛陽本少年擾：經
世意初聞方外語便釋形骸累吾哀久捐書放浪無復事尚自
不見我安知汝為異憐汝好毛羽其音亦清麗胡為太多知不
然而見忌楚人既憎汝彈射將汝利且長隨我遊吾不汝羹哉

謝公墩

走馬白門下投鞭謝公墩昔人不可見故物尚或存問樵：不
知問牧：不言摩挲蒼苔石點檢屐齒痕想此絳：檣想此倚
短轅想此玩雲月狼藉盤與罇井迳亦已沒漫然禾黍村摧箴
羊曇骨放浪李白魂亦已同山丘緬懷時蘭蓀小草戲陳迹甘
棠詠遺恩萬事付鬼錄恥榮何足論天機自開闔人理孰畔援
公色無懼喜儻知禍福根涕淚對桓伊暮年無乃昏

和平甫舟中望九華山

楚越千萬山雄奇此山兼盤根雖巨壯其末乃修纖去縣尚百里側身勇前瞻蕭條烟嵐上縹緲浮青尖徐行稍復通所矚亦已添精神去疊々氣象來漸々却席取近岸移船傍蒼簾窺觀坐窮晡未覺晷刻淹江空萬物息四面波瀾恬我然九女鬢爭出一鏡隱卧送秋月沒起看朝陽暹游氛蕩無餘瑣細得盡覘凌空翠纛直照影寒鋸銛冢木立紺髮崖林張紫髯變態生倏忽雖神詎能占當留老吾身少駐誰云饜惜哉秦漢君黃屋上衡濤等之事嬉遊捨此何其庶我疑二后荒神物久已厭埋蔽在雲霧不欲登昏憒又疑避褒封蔽匿以為謙或是古史書脫落簡與籤當時備巡遊今不在細縑終南秦之望泰山魯所詹天王與秩祭俎豆羅醢鹽苟能澤下民維此遠亦沾方今東南旱土脈燥不黏尚無膏寸功豈免竊食嫌神莽吾難知士病吾能破文章巧傳會智術工飛箱薦寶互珪璧論材自榷柟苟以飾婦妾謬云亦蒼黔豈如幽人樂茲山謝問閻穴石作戶牖垂泉當門簾尋奇出後徑覽勝倚前簷超然往不返舉世徒沾々高興寄日月千秋伴烏蟾遐追商洛翁秦火不能炎近慕楚穆生竟脫楚人鉗吾意竊所尚人謀諒難僉

獨卧有懷

午鳩鳴春陰獨卧林壑靜微雲過一雨浙瀝生晚聽紅綠紛在眼流芳與時競有懷無與言佇立鍾山暝

和吳御史汴渠

鄭國欲弊秦渠成秦富强本始意已陋末流功更長維汴亦如此浚源在滎荒歸作萬世利誰能弛其防夸門築天都橫帶國

之陽漕引天下半豈云獨荆揚貨入空外府租輸陳太倉東南
一百年寡老無殘糧自宜富京師乃亦窘蓋歲征求過夙昔機
巧到蓬芒御史閱其然志欲窮舟航此言信有激此水存何傷
救世詎無術習傳自先王念非老經綸豈易識其方我懶不足
數君聲方雷礪他日聽施設無乃棄篇章

驛驢

龍德不可係變化誰能謀驛驢亦俊物卓犖地上遊怒行追疾
風忽々跨九州轍迹古所到山川略能周鴻濛無人梯沈湮遠
天浮嶮巖拔青冥仙聖所止留欲往輒不能視龍乃知羞

送裴如晦宰吳江

震澤與天杳芴臨無際形他時散髮愛竄愛垂虹亭飄然平生
遊捨我戴吳星欲往獨不得都門看揚舲到縣問疾苦為予求
所經當知耕牧地往往芟蒲青三江斷其二洛水何由寧微子
好古者此歌尚誰聽

送程公闢守洪州

畫船插幟搖秋光鳴鏡傳鼓水洋洋豫章太守吳郡郎行指斗
牛先過鄉鄉人出郭航酒漿魚鼈鱸魚炊稻梁艾頭肥大菱腰
長醕醕喧呼坐滿床怪君三年滯瞿塘又驅傳馬登大行纓旄
脫畫歸大梁翻然出走天南疆九江左投貢與章揚濶吹漂浩
無芴老蛟戲水風助狂盪渦忽圻千丈強君聞此語悲慨慷迎
吏乃前持一觴鄱州歷選多雋良鎮撫時有諸侯王拂天高閣
朱鳥翔西山蟠繞鱗鬣蒼蒼下視城塹真金湯雄樓傑屋鬱相望
中戶尚有千金箴漂田種杭出穰々沈檀珠犀雜萬商輸瀉交
廣流荆揚輕裙利屐列名倡春風蹋謠能斷腸平湖灣塢烟渺

茫樹石珍怪花草香幽處往：聞笙簧地靈人秀古所咸勝兵
可使酒可嘗十州將吏隨抵昂談笑指麾回雨暘非君才高力
方剛豈能跨有此一方無為聽客欲需裳使君謝吏趨義裝我
行樂矣未渠央

哭梅聖俞

詩行於世先春秋國風變哀始栢舟文辭感激多所憂律呂尚
可諧鳴球先王澤竭士已偷紛：作者始可羞其聲與節急以
浮真人當天施再流篤生梅公應時求頌歌文武功業優經奇
緯麗散九州衆皆少銳老則不翁獨辛苦不能休惜無采者人
名道貴人憐公青兩眸吹噀可使高岑樓坐令隱約不見收空
能乞錢助饋餽疑此有物司諸幽棲：孔孟葬魯鄒後始卓犖
稱軻丘聖賢與命相楮矛勢欲強達誠無由詩人况又多窮愁
杜詩亦不為公侯公窺窮阨以身投坎壈坐老當誰尤吁嗟豈
即非善謀庸豹雖死皮終留飄然載喪下陰溝粉書軸幅縣無
旒高堂萬里哀白頭東望使我商聲謳

杭州修廣師法喜堂

浮屠之法與世殊洗滌萬事求空虛師心以此不挂物一堂收
身自有餘堂陰置石雙嵒嶮石脚立竹青扶疎一來已覺肝膽
豁况乃晏坐窮朝晡憶初救時勇自許壯大看俗尤崎嶇豐車
肥馬載豪傑少得志願多憂慮始知進退各有理造次未可分
賢愚會衆作室返耕釣相與此處吟山湖

寄贈胡先生并序

孔孟去世遠矣信其聖且賢者質諸書焉耳翼之先生與予
並世非若孔孟之遠也聞薦紳先生所稱述又詳於書不待

見而後知其人也歎慕不足故作是詩

先生天下豪傑魁胃臆廣天所開文章事業希孔孟不復復睥
晚蔡與崔十年留滯東南州飽足藜藿安蒿萊獨鳴道德驚此
民民之間者源：來高寇大帶滿門下奮如百蟄乘春雷惡人
沮服善者起昔時躑躅今騫回先生不試乃能爾誠令得志如
何哉吾願聖帝營太平補葺廊廟枝傾頽披梳發續廣耳目照
徹山谷多遺材先收先生作梁柱以次構架桷與榱羣臣面向
帝深拱仰戴堂陞方崔嵬

移桃花示俞秀老

舍南舍北皆種桃東風一吹數尺高枝柯薦綿花爛熳美錦千
兩數亭臯晴滿漲春綠周遭俯視紅影移漁舫山前邂逅武陵
客水際鬢髻秦人逃攀條弄芳畏晚晚已見黍雪盤中毛仙人
愛杏令帟守百年終屬樵蘇手我哀此果復易朽蟲來食根那
得久瑤池紺絕誰見有更入花時且追酒君來酩酊相隨否

桃源行

望夸宮中鹿為馬秦人半死長城下避時不獨高山翁亦無桃
源種桃者此來種桃經幾春採花食實枝為薪兒孫生長與世
隔雖有父子無君臣漁郎漾舟迷遠近花間相見因相問世上
那知古有秦山中豈料今為晉聞道長安吹戰塵春風回首一
霑巾重華一去寧復得天下紛紛限南北

久雨

煤炰著天無寸空白沫上岸吹魚龍羲和推車出不得河伯欲
取山為宮城門晝開眠百賈饑孫得糟夜哺翁老人慣事少所
怪看屋箕踞歌南風

杜甫畫像

吾觀少陵詩為與元氣侔力能排天幹九地壯顏毅色不可求
浩蕩八極中生物豈不稠醜妍巨細千萬殊竟莫見以何金鏤
惜哉命之窮顛倒不見收青衫老更斥餓走半九州瘦妻僵前
子仆後攘：盜賊森戈矛吟哦當此時不廢朝廷憂常願天子
聖大臣各伊周寧令吾廬獨破受凍死不忍四海寒飈、傷屯
悼屈止一身嗟死之人我所羞所以見公像再拜涕泗流惟公
之心古亦少願起公死從之遊

贈曾子固

曾子文章衆無有水之江漢星之斗挾才乘氣不媚柔羣兒
傷均一口吾語羣兒勿詢傷豈有曾子終皇：借令不幸賤且
死後日猶為班與揚

歲晚

月映林塘澹風含笑語涼俯窺憐淨綠小立佇幽香携幼尋新
酌扶衰坐夜航延緣久未已歲晚惜流光

定林

漱甘涼病齒坐曠息煩襟因脫水邊屨就敷牀上衾但留雲對
宿仍值月相尋真樂非無寄悲蟲亦好音

送張宣義之官越幕

會稽遊宦鄉海物錯句章土潤箭萌美水甘茶串香今君誠暫
屈他日恐難忘唯有西興渡靈音或怒張

烏塘

地僻居人少山稠伏獸多怒狸朝薄雁饑帟夜窺驟籬落生孫
竹門庭上女蘿未應悲寂寞六載一經過

欲歸

水漾青天暖沙吹白日陰塞垣春錯莫行路老侵尋綠稍還幽
草紅應動故林留連一杯酒滿眼欲歸心

壬辰寒食

客思自楊柳春風千萬條更傾寒食淚欲漲冶城潮巾髮雪爭
出鏡顏朱蚤雖未知軒冕樂但欲老漁樵

宿雨

綠攪寒蕪出紅爭暖樹歸魚吹塘水動雁拂塞垣飛宿雨驚沙
盡晴雲晝漏稀却愁春夢短燈火著征衣

自白土村入北寺

雨過百泉出秋聲連衆山獨尋飛鳥卧時渡亂流間坐石偶成
歇看雲相與還會須營一畝長此聽潺湲

江上

潮連風浩蕩沙引客淹留落日更清坐空江無近舟共看葭葦
宅聊即稻梁謀未敢嗟艱食凶年半九州

秋夜

暢逗長風細牕留半月斜浮烟暝綠草泣露冷黃花獨曳綠雲
策仍尋渡水槎歸時參夜半鄰犬靜中誑

過故居

泔笈開新屋扶輿遠故園事遺心獨寄路翳目空存野果寒林
寂蠻花午簟温難忘舊時處欲宿愧桑門

與道原過西莊遂遊寶乘

元豐四年十月二十四日

桑楊一作麻已零落藻荇亦一作復消沈園宅在人境歲時傷我心
强穿西南一作南埭路共望北山岑欲覓一作與道人語跨鞍聊一尋

旅思

此身南北老愁見問征途地大蟠三楚天低入五湖看雲心共
遠步月影同孤慷慨秋風起悲歌不為鱸

發館陶

促轡數殘更時聞雞一鳴春風馬上夢沙路月中行笳鼓遠多
思衣裘寒始輕稍知田父穩燈火閉柴荆

將次洺州憇漳上

漠漠春風裏茸茸綠未齊平田鷓散啄深樹馬迎嘶地入河流
曲天隨日去低高城已在眼聊復解輕齋

春日

冉冉春行暮菲菲物競華鶯猶求舊友燕不肯貧家室有賢人
酒門無長者車醉眠聊自適歸夢到天涯

寄福公道人

帝力護蟬林滄洲側布金樓依水月觀門接海潮音開士但輕
語遊人多苦吟曾同方丈宿燈火夜沈沈

崑山慧聚寺次張祐韻

峰嶺互出沒江湖相吐吞園林浮海角臺殿擁山根百里見漁
艇萬家蔽水村地偏來客少幽興祇桑門

次韻致遠木人洲

迷子山頭漲一洲木人圖志失編收年多但有柳生肘地僻獨
無茅蓋頭河側鮑生乾尚立江邊屈子槁將投未妨他日稱居
士能使君疑福可求

登寶公塔

倦童疲馬放鬆門自把長筇倚石根江月轉空為白晝嶺雲分

宋元詩集 卷之三十一 十一 鈔本
暝與黃昏鼠搖空寂聲隨起鷓鴣矯荒寒影對翻當此不知誰客
主道人忘我忘言

小姑

小姑未嫁與蘭支何恨流傳樂府詩初學水仙騎赤鯉竟尋山
鬼從文狸續紛雲襪空棠檝綽約烟鬟獨桂旗弄玉有祠終或
往飛瓊無夢故難知

詳定試卷

童子常誇作賦工暮年羞悔有揚雄當時賜帛倡優等今日論
才將相中細甚客卿因筆墨卑於爾雅注魚蟲漢家故事真當
改新詠知君勝弱翁

寄張先郎中

留連山水住多時年比馮唐未覺哀篝火尚能書細字郵筒還

肯寄新詩胡床月下知誰對蠻榼花前想自隨投老主恩聊欲
報每瞻高躅恨歸遲

上元戲呈貢父

車馬紛紛白晝同萬家燈火暖春風別開闔閭壺天外特起蓬
萊陸海中盡取繁華供俠少祇分牢落與衰翁不知太乙遊何
處定把青藜獨照公

寄袁州曹伯玉使君

宜春城郭繞樓臺想見登臨把一盃溼々嶺雲生竹筩冥々江
雨熟楊梅政成定入邦人詠詩就還隨驛使來錯莫風沙愁病
眼不知何日為君開

次韻平甫金山會宿寄親友

天末海門橫北固烟中沙岸似西興已無船舫猶聞笛還有樓

臺祇見燈山月入松金破碎江風吹水雪崩騰飄然欲作乘桴
計一到扶桑恨未能

葛溪驛

缺月昏：漏未央一燈明滅照秋床病身竄覺風 蚤歸夢不
知山水長坐感歲時歌慷慨起看天地色淒涼鳴蟬更亂行人
耳正抱疎桐葉半黃

後苑詳定書懷

文墨由來妙禁中家傳豈獨賦河東平生聽想風聲蚤數日追
隨笑語同御水新如鴨頭綠宮花更有鶴翎紅看花弄有聊為
樂不晚朝廷相弱翁

次韻祖擇之登紫微閣

漠：秋陰護掖垣青雲祇在兩楹間宮樓唱罷雞人遠門闕朝

歸虎士閒華蓋北瞻天帝座蓬萊東想道家山却慙久此隨諸
彥文采初無豹一斑

和祖仁晚過集禧觀

妍暖聊隨馬首東春衫猶未著方空烟霞送色歸瑤水山木分
香繞閣風壯髮已輸塵外綠衰顏湯到酒邊紅日斜歸去人間
世却記前遊似夢中

雨過偶書

霈然甘澤洗塵寰南畝東郊共慰顏地望歲功還物外天將生
意與人間霽分星斗風雷靜涼入軒牕枕簟閒誰似浮雲知進
退纔成霖雨便歸山

寄余温卿

雲散風流不自禁天涯無路盍朋簪空馳上國青泥信誰和南

山白石音平日離愁寬帶眼訖春歸思滿琴心終回一命翩翩
駕獨過稽山鍛樹陰

與舍弟華嚴院此君亭詠竹

一迳森然四座涼殘陰餘韻去何長人憐直節生來瘦自許高
材老更剛曾與蒿藜同雨露終隨松柏到冰霜煩君借取根株
在欲乞伶倫學鳳凰

酬淨因長老樓上翫月見懷有疑君魂夢在清都之句

道人心與世無求隱几蕭然在此樓坐對高梧傾晚月看翻清
露洗新秋登臨更欲邀元亮披寫還能擬惠休顧我不知天上
樂靈疑昨夜夢仙遊

送何聖從龍圖

射策曾稱蜀郡雄朝廷得重漢司空應留賜席丹塗地誤責飛

芻紫塞功三徑欲歸無舊業百城先至有清風潞山直與天為
黨回首孫高想見公

長干寺

梵館清閒側布金小塘回曲翠文深柳條不動千絲直荷葉相
依萬蓋陰漠漠岑雲相上下翩沙鳥自浮沈羈人樂此忘歸
志忍向西風學越吟

送復之屯田赴成都

梁礪西南江與岷石犀金馬世稱神桑麻接畛餘無地錦繡連
城別有春結綬相隨通籍久推車此去辟書新知君不為山川
險便忘吾家叱馭人

送蕭山錢著作

才高諸彥故無嫌兄弟同時舉孝廉東觀外除方墨綬西州相

見已蒼髯靈音引水清穿市神禹分山翠入簾好去絃歌聊自
慰郡人誰敢慢陶潛

到舒次韻答平甫

夜到江船曉解駉秋成氣象自潭：山從樹外青爭出水向沙
邊綠半涵行問嗇夫多不記坐論公瑾亦能談只愁地僻無賓
客舊學從尸得指南

舒州七月十一日雨

行看野氣來方勇臥聽江聲落竟慳浙瀝未生羅豆水蒼茫空
失皖公山火耕又見無遺種肉食何妨有厚顏巫祝萬端曾不
救只疑天賜雨工閒

登中茅山

脩然杖屨出塵囂雞犬無聲到沈寥欲見五芝莖葉老尚攀三
鶴羽翰遙容溪路轉迷橫竹仙几風來得隨樵興罷日斜歸亦
懶更磨碑蘚認前朝

獨山梅花

獨山梅花何所似半開半謝荆棘中美人零落依草木志士顛
顛守蒿蓬亭：孤豔帶寒日漠：遠香隨野風移裁不得根欲
老回首上林顏色空

送項判官

斷蘆洲渚落楓橋渡口沙長過午朝山鳥自鳴泥滑：行人相
對馬蕭：十年長自青衿識千里來非白壁招握手祝君能強
飯華簪常得從雞翹

公闢枉道見過獲聞新詩因敘歎仰

青丘神父能為政碧落仙翁好作詩舊事齊兒應尚記新篇楚

老得先知懷輒大峴如迎日供張閭門勝去時若與鳩夸鬪百
草錦囊佳麗敵西施

送鄆州知州宋諫議

盛世千齡合宗工四海瞻天心初顯俊雲翼首離潛德望完圭
角儀形壯陞簾徐鳴蒼玉佩畫校碧牙籤綸掖清光注鑿坡茂
渥霑廟謨資石畫兵畧倚珠鈴坐鎮均勞逸齋居養智恬謳謠
喧井邑惠化穆蒼黔進律朝章舊疏恩物議僉通班三殿邃從
部十城兼中甫周之翰龜蒙魯所居地靈奎宿照野沃汶河漸
首路龍旗盛提封帝節嚴賜衣纏紫艾衛甲綴朱綬海谷移文
省谿堂燕豆添班春回紺憶問俗卷彤襜舟楫商巖命熊羆渭
水占治裝行入覲金鼎重調鹽

送王補之行風忽作因題四句於舟中

淮口西風急君行定幾時故行今夜月未便照相思

江上

江水漾西風江花脫晚紅離情被橫笛吹過亂山東

梅花

牆角數枝梅凌寒獨自開遙知不是雪為有暗香來

偶書

柳葉鳴蜩綠暗荷花落日紅酣三十六陂春水白頭想見江南
出郊

川原一片月交加深樹溟：不見花風日有情無處著初迴光
景到桑麻

金陵即事

昏黑投林曉更驚背人相喚百般鳴柴門長閉春風暖事外還

能見鳥情

鍾山即事

澗水無聲繞竹流
竹西花艸弄春柔
茅簷相對坐終日
一鳥不鳴山更幽

與北山道人

蒔果疏泉帶淺山
柴門雖設要常關
別開小徑連松路
祇與鄰僧約往還

泊姚江

山如碧浪翻江去
水似青天照眼明
喚取先人來住此
莫教辛苦上層城

王安國

字平甫安石弟也幼敏悟未嘗從學而文詞天成年十二遂以文章聞於世舉進士又舉茂才異等以母喪不試廬

墓三年熙寧初召試賜及第除西京國子教授官滿至京師上以安石故賜對安國所言皆勸帝務德化民如漢文帝者視有才之加一等及帝問卿兄秉政外論論如何則對曰恨知人不明聚斂太急耳帝嘿然不悅由是別無忌命止授崇文院校書屢以新法力諫安石因謂其兄當遠佞人蓋指呂惠卿也惠卿銜之及安石罷祠惠卿引鄭俠事陷安國奪官卒年四十七

讀魏世家

亶：談先王古今誰有得
施為雖緒餘要在情不匿
嗟彼三代後淪音入戰國
翟璜聞一言僂俛慙李克
論材稱權衡輕重無物惑
吾心能如此乃可任人責

夏日獨居 二首

竹苗敷夏陰
蘿蔓蔽朝亮
感此節物佳
百駭適無恙
委蛇投廣廈
簫瑟絕遺響
稍僿簡編餘
俄得冠裾放
身雖勢利乖
心遂絃歌尚
默然想聖賢
游世無得喪
抱關秉翟聞
未分棄冗長
人生

適意難聊各安所鄉

哲之池沼儵綠萍隨下上
鷺鷥堂廡燕日晝容俛仰
顧我一宴如環廬花藥長
無材助太平得地幸間曠
稍披千古書日覺神明王
秉間矚物情自適忘外獎
涵濡覆載仁難廢魚麗唱
黃塵洮隴成黑霧荆衡簾
奔波暘道邊畢命營邊障
吾此獨何為飛潛樂相向
何時聳解嚴慰彼西南望
當使少陵翁得見廉恥將

忘言

宋國旌孝子東門毀已斃
楚王好細腰後宮餒而殪
物情信可憐狗外易生死
身存寵可誇已矣安所恃
獲之智驚愚早之學阿世
吹嗟出虹蜺頓挫入塵滓
愛憎雖人為榮辱乃天使
恩無斯須懷怨已塞天地
百年呼吸中毫髮誰預已
適者默然窺陰陽驅意氣
始終本何有一息累萬世
由來適人適風昔多如此

喟余聊自箴安得忘言士

杭州呈勝之

遊觀須知此地佳紛之人物
敵京華林巒臘雪千家水
城郭春風二月花彩舫笙歌
吹落日画樓燈燭映殘霞
如君援筆宜摹寫付與塵埃
北客誇

金明池

霓旌遠之拂樓船滿地春風
錦繡筵三島路深浮閣苑
九霞觴滿奏鈞天仗歸金闕
浮雲外人望池臺落日邊
最引平生江海趣波瀾一段
草如烟

和魏道輔雨中見示

移病憚之久雨中鳴騶時聽
六街東忽吟佳客詩消暑
遠勝前人檄愈風運我殊慚
斥鷃陸沈君合伴翔鴻更
酬珠玉思談

笑裹飯何須雁屢空

黃梅花

庾嶺時開媚雪霜梁園春色古中央莫教鶯過毛無色已覺蜂
歸蠟有香弄月似浮金屑水飄風如舞麴塵場何人刺著栽培
力太液池邊想菊裳

送馬子山給事赴揚州

都人供帳國門東淮海兵符節制中青瑣議思虛夜月朱轡游
衍值秋風候嗟誰枉思張仲民喜重臨得次公內外忘懷能自
適何時談笑一樽同

春陰

似雨非晴意思深宿醒牽率卧春陰苦憐燕子寒相竝生怕梨
花晚不禁薄口簾帷欺欲透遙心歌管壓來沈北園南陌狂無

數祇有芳菲會此心

元絳

字厚之其先臨川危氏遷杭州易姓曰元絳五歲能詩長
登進士調江寧推官知永新縣移知通州海門擢江西轉
運判官知台州入為度支判官中歷轉運監鈇副使知福
州徙廣越荆南召為翰林學士知參政事以太子太保致
仕絳所至有威名而無持操工於文詞為流
輩所許惟諂事王安石父子時論鄙之

永新縣春風亭

三年到此別無功種得桃花滿縣紅此日不能收拾去一時分
付與東風

盧秉

元豐初官兩浙提點刑獄其為江南郡掾時曾題詩驛壁
王安石見而稱之力薦于朝不數年致位卿貳

書驛舍

青衫白髮病參軍旋糶黃梁置酒樽但得有錢留客醉也勝騎

馬傍人門

呂惠卿附

字吉甫閩人初熹王安石力行新法見上意稍移即叛安石以自安石罷相退處金陵常書福建子三字於壁間深所恨也

答王逢原

晨出趨長司跪坐與之言偶然脫齟齬相送顏色溫歸舍未休
鞍簿書隨滿門相仍賓客過教午僅朝餐平生性懶惰應接非
吾真况乃重戍賊良氣能幾存就夜甫得息閱我几上文開卷
未及讀睡思已昏亡自知小人歸昭亡復何云每於清夜夢多
見夫子魂側耳聽高議如飲黃金樽覺來不得往欲飛無羽翰
昨日得子詩我心子先論怪我書苦遲友道宜所敦豈不旦夕
思實苦案牘繁豈無同官賢未免走與奔相間鞍掌間有言無
暇陳嗟亡茲世士無食同所患念我力難任聳子處更艱久知
屬之天安敢怨窶貧吾聳君子仕行義而已焉亦將達吾義官
遂為利牽東海有滄溟西極有崑崙古來到者誰不過數子尊
子已具車航吾亦為楫輪欲一送子遊不知何時然

宋元詩會卷之二十九

晚桐陳

焯默公輯選

後學程

仕松皋忝較

張舜民

字芸叟邠州人登進士為襄崇令王安石倡新法舜民上書言便民所以窮民弱內所以弱內富國所以感國時人壯之朝廷討西夏環慶帥高遵裕辟舜民掌機密王師無功作詩寓諷坐謫赴廊廷詔獄赦還用司馬光薦為監察御史歷殿中進秘少出運陝西知陝潭青三州元符中罷職徽宗立擢諫議大夫居職七日事已六十徙徙吏侍出知同州善為文自號浮休居士

打麥

打麥打麥彭々魄々聲枉山南應山北五月太陽出東北才離海嶠麥尚青轉到天心麥已熟鷓旦催人夜不眠竹雞呼雨雲如墨大婦腰鎌出小婦具筐逐上壠先將青下壠已成東田家以苦乃為樂敢憚頭枯面焦黑貴人薦廟已嘗新酒醴雍容會

所親曲終厭飫勞僮僕豈信田家未入唇盡將精好輸公賦次
把斗升求市人麥秋正急又秧禾豐歲自少凶歲多田家辛苦
可柰何將此打麥詞兼作插禾歌

縱步湘西

今朝不易得天晴閒過江西取意行忽然林外見山色又向橋
邊聳水聲綠竹長松間桃李天然翠幙圍羅綺日暮歸舟醉不
知晚風吹過湘江水

間赦有作

擊鼓填街道傳聲過水濱國嚴三歲禮恩洗萬家春舟楫親南
斗衣冠拱北辰嶺南並嶺北多少望歸人

紈扇

紈扇本招風曾將熱時用秋來挂壁上却被風吹動

許將

字冲元福州閩人舉進士第一歐陽修謂其辭氣似沂公
末可量也簽判昭慶軍還當試館職不就通判明州神州
召對除集賢校理累擢直舍人院判流內銓進知制誥使
朔方應對合機宜館伴屈服回知審官院判尚書兵部遷
翰林學士權知開封府秦檜舒亶所陷逮入御史府得釋
黜知蘄州用待制起知秦揚鄆三州名為兵部元祐三年
再為翰林學士拜尚書右丞罷為資政殿學士出知定州
移揚州又移大名府紹聖初入為吏尚拜左丞中書侍郎
居政地十年以中丞未諤言罷知河南
府晚為祐神觀使卒年七十五謚文定

成都運司西園亭詩

飛閣出方池修曲見空莽低臨花塢近平覺春波長返景澄餘
暉夕陰帶浮爽從容觀魚樂不減遊濠上

茅茨以為菴環顧蕭然虛內樂苟自足容人即有餘旁依修竹
密上翳青松踈勿言此中陋中有君子居

東山碧巖亭

宋詩集 卷之二十一 鈔本
舊室曾留古岸邊
新亭同賞碧巖前
日生獅子峯頭木
烟伴榴花洞口泉
黃葉入秋山
出地白雲臨曉海
華天飄然蹤跡今
何定別去江湖又一年

潘大臨

字邠老從黃魯直遊學其為詩呂居仁作江西詩派圖以邠老與韓子蒼謝無逸輩為魯直法嗣云

浯溪

公泛浯溪春水船
繫帆啼鳥青崖邊
次山作頌今幾年
當時治亂春風前
明皇聰明真晚謬
乾坤付與哥奴手
骨肉齊傷九廟焚
蜀山騎驢不回首
天下寧知再有唐
皇帝紫袍迎上皇
神器蒼忙吾敢惜
兒不終孝聽五郎
父子幾何不豺虎
君臣寧能責口口
南內淒涼誰得知
人間稱家作端平
平生不識顏真卿
去年不答高將軍
老來讀碑淚橫臆
公詩與碑當共行
不賞邊功

寧有許不殺口皇猶敢語
雨淋日炙字未訛
千秋萬歲所鑒多

江上晚步

白鳥沒飛烟
微風逆上船
江從樊口轉
山自武昌連
日月懸終古
乾坤別逝川
羅浮南斗外
黔府若何邊

荅王立之惠書

歸自江南即定居
謾勞親友問何如
剛腸肯為藜羹轉
病骨聊凭竹杖扶
南園膏腴千樹橘
東湖春水百金魚
明年生計應堪說
待倩君侯買異書

春日書懷

舟楫凌漳水
風濤接蠡湖
龍媒戒跬步
驪頷脫微軀
樂土供遊戲
深文苦繫拘
胸中雖硯石
牆外或歌呼
老去嵇康懶
歸來甯子愚
千鍾真臭腐
十畝惜膏腴
春雨何曾密
園花竟自都
小橋

藏細柳方沼出新蒲酒熟拈中漉經傳帶雨鋤行盤隨所有坐
客幾時無日轉槐陰暮門通鳥逕迂仰頭看哺鷄引手出將鷄
撫事盆繅繭勞生戶轉樞形骸浮大塊毛髮燎洪爐世論幾膠
柱人心盡好竿屠龍非至計射雉屈良圖借箸方隆漢推枰已
滅吳從渠画麟吾自著潛夫

林敏功

字子仁蘄州人下第歸杜門不出者二十年與弟敏修以詩賦相友善當哲宗時世號二林

贈趙正之

君為稻田官君非力田科我今耕田夫為君奏田歌南畝茨梁
稼東郊烟雨裊田家不作苦奈此歲暮何憫亡望有年一失成
蹉跎立苗非不疎稊稗常苦多小人剝良善蓬蒿賤嘉禾去惡
藉老農芟夷戒駢羅夫君邦之彥妙年加切磋治國與治身此

道終靡他人心不相遠如以斧伐柯願君日顯榮吾言期不磨

春日有懷

風高收雨急日薄過窗微梅葉初迎臘春溪欲染衣形容今日
是游行昔人非節物閑愁緒歸鴻正北飛

林敏修

子仁之弟傳見前

張牧之竹溪

張牧之隱於竹溪不喜與世接客來蔽竹窺之或韻人佳士
則呼船載之或自刺舟與語俗子十反不一見怒罵相踵弗
顧也人或以少漫郎余獨喜與古人意合乃作竹溪詩

幽閒古城陰結屋清溪曲溪流湛回映上有青竹漫郎欣得
之綠髮詠空谷高風及前修勝趣隨遠矚惡客徒擾人立談非

我欲麾去寧汝嗔意聊自足或言不當爾往已相謗譎荅云豈
吾私恐作林泉辱源流別涇渭臭味同草木宜當百事勝容此
一物俗獨餘嵇阮輩蕩漿戒臣僕濁醪澆古胸日沒還秉燭僕
黍瓜葛後意氣頗相屬平生幾兩屐共老三徑菊行年事無定
此計諾已宿徑須買牛衣兒亦荷書篋從子竹間遊溪魚剝寒
玉

孔文仲

字經父臨江新喻人少刻苦問學舉進士第一調餘杭尉
轉台州推官熙寧初對策九千言力論王安石政術之非
安石怒啓神宗御批罷歸廷臣文章奏留僅得國子監直
講俄出通判保息軍元祐初以祕省郎召進禮部員外遷
起居舍人擢諫議政中舍同知
貢舉疾甚出院而卒年五十一

將至南都途中感舊二首寄錢穆父

北風吹雪滿皇州攜手同為落魄遊霄漢路岐騰萬里江湖塵

土積千憂世情共逐飛蓬轉人事都如激浪流只待清談慰愁
病月明幾夜促歸舟
萬口星霜七換年故人已上碧雲天書憑去鴈雖無便路出名
都亦有緣秋晚樓臺風作雪雨係碕岸柳生烟應煩北道開樽
俎又費公庖幾萬錢

孔武仲

字常父舉進士調穀城主簿直講國子喪二親數瘠特甚
右肱為不舉元祐初歷秘書省正字累遷司業力詆王氏學
請以詩賦取士進起居郎拜中舍直學士院擢給事中遷
禮侍出知洪州徙宣州坐元祐黨奪職居池州卒年五十
七所著經義雜
詩文共百餘卷

徒步吟

嚴風駕雪霜吾轎頗温煖白日煖郊原吾馬快馳逐二者皆得
用翩如雨黃鵠馬驕倦提策轎狹厭攀求何以救斯弊奔馳有

吾足副之兩草靴隨以一筇竹鳧趨上高岡虎步出平陸折花
得低枝照影臨深谷道逢田間叟時訪以耕牧北音稍入耳俚
語滿滿腹行及前堆小汗已霏霏芳草可為茵吾眼不須禡
人生已太佚終歲居華屋醉飽耳目昏軟煖筋骸縮今吾異于
此千里干微祿朝隨麇麇騁夜侶鴻雁宿戶樞勞乃久金礦鍛
方熟聊歌以自娛不作楊朱哭

祠二廟之明日未得順風呈同行

岳州西祠從古有控帶洞庭湖之口前對隱顯明滅之湘山下
接瀾淪洶湧之長川茫々白沙連絕嶼淡々古木蟠蒼烟昭靈
王左安流右翠帳朱幡擁前後鋸牙虎視森兩廂氣骨生獍欲
奔走我來纜舟日已昏袍鞞跪聽祠官言伏興進退如法式四
顧詭譎驚心魂平明結束舟將解叱吸仍聞北風大焚香奏酒
殊無計伏渚藏汀姑有待二王威神世所傳鈴攝鬼怪賓靈仙
好風相送勢不難舒卷造化須臾間波回草動似有意舉櫂開
帆即千里吟詩賞月岳陽樓買魚沽酒巴陵市

平陽歎

壞雲如山靡齊壘六軍顏色如灰死高郎元自解琵琶萬歲無
愁作天子伯升何曾上青天滅血遺痕芳草間長城萬里自推
仆駿馬只馱馮小憐姦臣百計為蟲賊不但妖娥解傾國熊羆
哮聞蹙平陽馮妃對鏡嬌權妝死生契濶不相棄雙々刎頸長
安市

旅枕

旅枕春風底翛然一夢驚漏移清禁遠天入小窗明桂玉梁園
費山椒楚客情蕭條過百五猶有賣花聲

登湘陰北寺江亭

古縣我新剝孤亭占上頭野苔侵坐綠江水帶天流絲斷湘靈
瑟蘋荒帝子洲人寰真似夢頃刻已千秋

草石寺

寺有潘閔題壁
權德輿宴坐記

高士去已久餘踪猶可知竹陰侵宴坐山影在平池塵蝕參軍
墨苔侵相國碑漫尋瀟灑趣俯仰愜心期

館中夏日

珍箴舒明玉涼牕納碧天殿樓傳遠鼓宮并取深泉竹籜風頻
脫榴房晚更鮮却驚非故國五月未聞蟬

癸王務

曉隨燈火背千家落盡疎星見遠霞一餉春聲回宿鳥半天寒
色在啼鴉臨陂弱柳猶藏葉當路殘梅已盡花賴值時光正妍

潤穩看風物到京華

和竹元珍夜雨

帝城塵土熱如湯喜有殘雷雨送涼旅枕夢雲縈宋王空階詩
思感何郎香迷舊理烟初斷燈倚輕寒焰不長明日御溝應更
好一番晴色弄華陽

蘇子瞻雪堂

古縣東邊仄徑開先生曾此斲蒿萊鸞鳳一去應不返花柳當
年皆自栽畫壁蒼茫留水墨朱欄剝落長莓苔鄰翁笑我來何
暮檢點風烟興盡回

湖山亭

縣山峻絕有新亭公退時來看洞庭天外微茫二湖合波心縹
緲一峰青非時爽氣生雲雨永夜寒光浸斗星千古登臨增健

筆投文猶可弔湘靈

寄范清老

日挂西南有薄輝
稜稜霜氣犯寒衣
不愁斗柄隨春轉
祇怕梅花學雪飛
湘浦波光頻送別
溢城山色屢思歸
高人只在南坡住
好共留錢買釣磯

登涵暉亭

常時洲島隔波瀾
故覓君山直上看
罨畫園林春減色
水晶宮闕晝添寒
州城斜引羣峰小
湖面平分數驛寬
坐久春風響喬木
扁舟思到武陵灘

次韻瀛倅鄧慎思見寄

官是麟臺却佐州
蓬瀛俱稱列仙遊
憶分曉色趨天闕
想對春風倚郡樓
書付塞鴻應易到
人如隴水正分流
江湖未有歸耕處
何日相逢說旅愁

處何日相逢說旅愁

介之會徐氏家飲薄暮不歸為詩招之

金鞍駿馬照朱門
樂會高張晉楚軍
狂客浩歌翻白雪
艷姬醉舞轉紅裙
花光灼爍筵前錦
酒韻氤氳盞上雲
爭似竹牕風月夜
青燈殘茗細論文

孔平仲

字毅父登進士第用呂公著薦為秘書丞集賢校理文仲卒歸葬南康詔以平仲判轉運江東獲葬事提點江州錢京西刑獄坐元祐黨出知衡州又以提舉劾其違常平法失米價六十萬置獄潭州疏辯得直從韶州俄責惠州別駕安置英州徽宗立復朝散大夫名為戶金二部郎中出典刑獄俾帥廊延環慶克諭再起罷管景靈宮卒平仲長史學工文詞所著續世說等書行世

二十二日大風發長蘆

張帆風尚小出口勢愈急扁舟已中流前後無所及側看岸旋

轉白浪若山岌磔暑時有聲百舞水爭入危檣聽欲折杞柄脫
捺執我有常病妻素羸多不粒及茲益憤亂卧喘氣吸吸婢姥
半北人茲險未嘗習蒼皇面深墨嘔噦皆膽汁可憐兒女輩往
往相聚泣出門強指揮飛沫濺衣溼江豚踊吾前徧獺作人立
意如鷲吾巖出沒相百十呼神擲楮泉祈佛啓經襲是時正月
尾於節甫驚蟄雲氣作冥晦氣候變寒澁日中僅得止性命危
若拾紛然方寸亂魂幹久不集官朝幸未迫安用苦汲官兵
勇貪程一震當少戢何如彼居民生不出井邑吾田雖曠瘠飢
粥粗可給勞生默自慨茅舍行且葺

讀江淹集

煌煌一足錦爛々五色筆始知何處得悵此夢中失淹也雖善
文歲蕤少筋骨譬人氣不深往々多奄忽晚年既富貴外學仍
老佛豈非有所急寢使天才屈奈何不自尤秘怪疑鬼物我有
十丈舟夙期駕溟渤褰霞叩東皇擘浪窺月窟唯憂倦或止視
此頗自栗

城東作

九江非吾土久寓忘羈棲丘墳之所宅此亦安歸錢錢官最閒
暇因得治其私松楸鬱枉望時復至郊圻駕言上東原藹々晨
霞晞草木新過雨秀色可療饑念此道傷民散居枉山蹊方秋
百物熟入城各有携芋迸紫卵壯薑抽紅筍肥椀香憶烹鯉稻
白想流匙養生無不有美味仍及時此上遂可老行當結茅茨
雲水有深約塵埃無盡期人生適意耳富貴亦何為

月夜

平生最好月况此秋夜闌長風送蕩漾浩露洗團々仰頭祝虛

空光采如何餐星辰斂芒角河漢收波瀾更無微雲翳挂此白玉盤六合靜皎々萬木涼珊々仍登高處望歷々見湖山爽氣集冰雪清心生羽翰便欲御冷然因之遊廣寒一臨天池水沐浴隨飛仙

夜坐菴前

人定鳥棲息菴前聊倚欄裴回明月上正枉修篁端清影冰玉碎疎音環佩寒脩然耳目靜覺此宇宙寬人生甘物役汨沒紅塵間宴坐得依頃境幽心已閒諒能長無事自可駐朱顏所以學道人類多隱深山

乞巧

衆人喜乞巧我以巧為憂言巧多欺佞行巧為邪柔學巧競穿穴文巧多雕鏤巧不令如此宜吾之取求我欲守拙性浩然鎮輕浮盡窒衆巧門化以孔與周此志尚未遂感激枉初秋南顧問中女汝寔能巧不

費紙吟

家貧何所費使紙如使水親交或見遺自買不知幾置之几案間數軸俄空矣作字本不工學書非所喜不知何故盡疑若有神鬼若云隨置郵性復懶戕啓間或強為之皆出不得已橫斜若幡脚齟齬如鴈齒數易僅能成紛々多廢委敘致失輕重畏慎防觸抵往々已緘封時々又刪洗遂令中行竭大半或緣此昔無楮先生云自蔡倫始假令行竹簡秃野未供使人生有知慧不若愚且鄙古來取卿相未必皆經史誰教識點畫空耗五斗米咄嗟為此詩又是一張紙

讀莊子

損此以錙銖益我以千金豈足為輕重徒能勞爾心覆彼以狐
 貉蒙此以絺綌豈足為厚薄徒能損卿德南山有鷲鳥睥睨天
 地秋有意橫八極固非守一丘老鷓嚇腐鼠安可施于此鷓雖
 尚不屑况非鷓雛比

常父寄半夏

齊州多半夏採自鵲山陽纍纍圓且白千里遠寄將新婦初解
 包諸子喜若狂皆云已法製無滑可以嘗大兒強占據端坐斥
 四旁次女出其腋一攫已半亡小女作蟹行乳媪代與攘分頭
 各咀嚼方愛有所忘須臾被辛螫棄餘不復藏競以手捫舌啼
 譟滿中堂父至笑且驚亟使啖以薑中宵方稍定久此燈燭光
 大鈞播萬物不擇穠與良虎掌出深谷鳶頭蔽高岡春草善殺
 魚野葛挽人腸各以類自蕃敢問敦主張水玉名雖佳神農錄
 之方其外則皎潔其中慕堅剛奈何蘊毒性入口有所傷老兄
 好服食似此亦可防急難我輩事感惕成此章

代小子廣孫寄翁翁

爹口來密州再歲得兩子牙兒秀且厚鄭口已生齒翁口尚未
 見既見想歡喜廣孫讀書多寫字輒兩紙三口足精神大安能
 步履翁口雖舊識伎倆非昔比何時得團聚盡使羅拜跪婆婆
 到輦下翁口枉省裏大婆八十五寢膳近何似爹口與妳口無
 日不思爾每到時節佳或對飲食美一一俱上心歸期當屈指
 昨日又開爐連天北風起飲闌却蕭條舉目數千里

食桃

剪彼十圍木架此百尺梁十圍不加六百尺不加長胡為被錦
 繡空爾飾文章根斷膚已剝至朽不復昌一作榮食桃棄其核下

與糞壤藏一作雨露之所濡發生乃微芒回首枝幹大冉口出
我牆開花又結子意態何煌口

孤鴈

空城夜已寂一鴈度雲端汀州亦可止何怯霜寒豈非防暗
袖驚矯失自安孤音訴明月天高路漫口以鷄置懷袖比汝乏
羽翰蒙恩傍溫暖豈念宵征難

武宗

武宗惟雄俊有臣委用專德裕才略大感恩聲所宣是時巖廊
上六合氣可吞論兵決勝負萬里枉目前一平口鶚先再洗上
党昏楊弁不知是時迺敢盜太原豈信明光甲遣人斬其元謀
昧知幾唯有君相然成立三大功慷慨枉一言風霆運不測日
月朗高懸李唐勢已去至此度復纏外內已息兵崇卑定乾坤

遂令河北帥弭耳如孤豚事書史冊上讀之快心魂千載若信
宿凜口風烈存世人多說劔不見斫伐痕玩弄反自傷何用飾
璵璠迂哉賈生餌果爾房琯奔施為貴實效詎止衍空文

南卒

坐食者南卒驕與子弟俱負甲則俯僂荷戈不能趨嘈然金鼓
鳴氣駭失所圖固無一技良圖有七尺軀吾聞孫子教弱女成
武夫吾欲練汝輩使之虓虎如奈何天子詔苦禁蓄兵書軍旅
非素習壯士心踟躕羣蠻屢騷動主將復佐除有急何以報思
之可驚吁

春暄太早率爾援筆

去歲有閏既苦寒今年春早亦太暄清明寒食在二月禁火止
如揮筴天桃花零落牡丹發漠口江頭吹柳綿細蟲打窗夜如

雨潤氣蒸礎朝生泉卷簾闔戶迎風坐徹綉去屏思篔簹眠勸君
用心慎倉卒萬事轉易如車旋安知明日不凜冽莫以炎涼隨
目前

述鷗

水濱老父忘機閑醉眠古石紅蕖間綠波蕩漾意不動白雲往
來心與閒有鷗素熟翁如此命侶呼儔就翁喜相親飲啄少畏
避自浮自沈不驚起漁人窺之即謀取手携羅網來翁所羣鷗
瞥見皆遠逝千里翩翩一回顧鷗不薄翁勿疑避禍未萌真見
機漁人羅網不在側敢辭旦夕從翁嬉

常甫招客望海亭

蓬萊釀酒已已成賀家池上新採菱紫衣侍立烏帽走吾兄招
客望海亭歸來為我道客語異事覩縷皆目覩醉中遙指北山

下云此白處乃海浦入山迤邐數百山客居乃在一山顛雖非
陽侯所窟宅風濤瀕洞已拍天餘山亦有人雜居山無桑麻只
捕魚海中百怪所會聚海馬海人並海驢或如七十之老翁或
如三尺之侏儒手足口眼莫不見鞭笞盡作人號呼千艘競造
石首脯雨聲颯々魚來初截波一網千萬尾擢歌喜噪翻蓬壺
垂釣忽挂綠鸚鵡探石仍得真珊瑚晚晴蜃結綵霞閣夜黑龍
呈明月珠紅漣紫液碧激灑頃刻變態世所無我聞此景若狂
眼便欲駕船尋天吳昔時管寧亦避地吾祖嘆息思秉桴我今
何為不可往誰能俛首甘區々平時此亭景最美自謂清曠更
無比一聞客語心坐馳却上望海汙潢耳嗟哉好惡隨所遷世
間萬事多如此

于將軍

長安遣兵百勝強意氣何有漢中王七軍之心俱猛鷲虎兇挿
翼將翱翔睥睨荆益可席卷白帝城高如堵墻秣馬蓐食朝欲
戰雷聲殷殷山之陽沈陰苦雨十餘日漢水溢出高騰驤蒼黃
不暇治步伍攀緣蹙踏半死傷計窮豈不欲奔走四望如海昏
茫亡鼉鳴魚躍尚恐懼萬一敵至誰敢當遙觀大船載旗鼓聞
說乃是閨雲長蒙衝直繞長堤下勁弩強弓無敵者雖有鉄騎
何所施排空白浪如奔馬將軍拱手就繫縛咋舌無聲面深赭
提書一日到錦城隻輪不返皆西行將軍疇昔負朋友若 昌
豨猶得生循環報復雖天意壯士所惜惟功名曹瞞相知三十
年臨危不及龐明賢歸來頭白已顛預泣涕頓首尤可憐高陵
画像何詭譎乃令慚痛入九泉涓水之師勇冠世英雄成敗皆
偶然

紫髯將軍

華容女子哭幽囚吉利如虎入荊州縛其孤雛斂貔貅長驅水
步八十萬欲獵于吳主憂羣臣勸迎同一說拔刀砍案心胆
裂揆彼之量豈我容開門納狼計何拙魯家狂兒策最長倡而
和者有周郎區區黃蓋乃乞降龍幡遮火燒赤壁東南風急天
絳色江中戰舸岸上營烟焰飛騰半焚溺雷鼓大進聲滿川輕
銳迫逐皆崩奔紫髯將軍更歡喜曹公座翅不得騫子布元表
何礙成敗之決在一言君不見甘露竇鼎間典午受禪吳猶
存青蓋入洛雖可惜猶勝俛首臣老賊

夏日甘寢

迴風動木葉細濕蛛絲心下無閒事人間有此時微微涼紗半
卷幽夢角徐吹此興惟吾解兒曹莫使知

冬夕即席作

燭滴緋桃淚香蟠春蚓灰酒花隨煖聚酥蕊帶寒開自有清歌
送惟愁画角催隔簾疑曉色雪壓數枝梅

與張子明飲湖亭

小艇衝湖過幽亭枕水虛風來荷氣外人在水陰餘濕印芻新
酒長艾族貫魚遙看鶴歸處便是謫仙居

冬晝作

霜陰收欲盡班駁意初晴漸喜山將出只愁雲更生鳥窺晡後
屋雞唱午間城灰折紅爐火微煎傍耳鳴

造王館公第馬上作

濯_々春客拄柳梢野梅相壓吐香苞日邊明晦雲無定雨後寒
暄氣欲交抱蕊縣蟲猶帶繭銜枝飛鳥已營巢高懷不愛三公

府白水青山滿近郊

呈館公

磻溪莘野亦初間去逐功名遂不還豈有太平辭將相却來高
卧對湖山冥心真出三千界注想長虛第一班踽_々朱門舊時
客冒寒衝雨到郊關

霽夜

寂歷簾攏深夜明睡迴清夜戍牆鈴狂風送雨已何處淡月籠
雲猶未醒早有秋聲隨墮葉獨將涼意伴流螢明朝準擬南軒
望洗出廬山萬丈青

寓興

薄寒初著袂衣裳日景中分不短長池館虛明開水石園林搖
落受風霜黃花滿檻金鈿秀白酒盈樽玉液香未老不須雲母

粉且教絃筦春清商

西齋冬夕

平生疎野得江湖歲暮西齋擁一爐
雨滴空堦如自語風吹長水更相呼
世間寵辱收碁局樓上光陰入酒壺
近日睡時全少夢攀緣狂想自知無

小菴初成奉酬元帥

伐竹誅茅挂織蒲半規小榻一方爐
不隨健鶻摩空去且免窮猿失木呼
自有琴書增道氣別開世界在仙壺
幽人欲欲知何意若說真菴彼豈無

送登州太守出城馬上作

息口送客出城闌霜意方高日漸曛
青嶂倚空先有雪黃沙匝地半和雲
旌旗明滅隨車遠鼓角悲涼隔水聞
正是無憀一回

首兩行白馬映紅裙

適值劉從道供奉往信陽鎮用前韻送之

君馬息口赴信陽雖云同郡似它方
村沙卷盡黃昏日海水吹成半夜霜
別恨不須青草色歸期當及小桃香
閒官冷局遙相望兩覺迢迢歲月長

銀河

江湖有客卧孤城每見銀河眼亦明
萬里長風吹不斷一番微雨洗尤清
星辰白石參差亂雲氣飛梁倏忽生
織女東西波浪隔夜寒天濶不勝情

選官圖口號

環合官圖展觀呼象子圓飛騰隨八赤
推折在雙玄已貴翻投裔將堯却上天
須叟文換武俄頃後馳先錯雜賢愚品
偏頗造

化權望移情欲脫患失胆俱縣慍色觀三已豪心待九遷寧知
即罷局榮辱兩茫然

寄內

試說途中景方知別後心行人日暮少風雲亂山深

郭公

枉渚潮初落平岡日又西蘆叢深處泊惟有郭公啼

禾熟

百里西風禾黍香鳴泉落竇穀登場老牛粗了耕耘債齧草坡
頭卧夕陽

登賀園高亭

東武名園數賀家更于高處望春華深紅淺白知多少直到南
山盡是花

熙寧口號二首

日坐明堂講太平時聞深詔下青冥數重遣使詢新法四面興
師剪不庭

萬戶康寧五穀豐江淮相接至山東須知錫福由京邑天子新
成太一宮

榆錢

鏤雪裁綃箇箇圓日穿風定穩如穿甕誰細與東君說買住青
春費幾錢

毛滂

字澤民任推官
從蘇子瞻遊

秋日書懷

秋日吐微明葉葉墮半碧娟娟竹弄影冉冉香引脉牕明葉几

淨水石涵虛白茶開睡足眼苔上嬾行屐屋寒無燕雀豈獨少
 賓客顧我警露友佇此遠天翮相對雖不言孤高比三益邇來
 世外心漸覺眼界窄兒時喜功名今念真戲劇平生齷齪手欲
 爛誰能炙豈得二頃田初無一廛宅第當營糟丘努力期百尺
 頽然寄踈慵坐看駒過隙韓郎食不足苦心定誰惜那知落英
 繁吾食豈無夕舉手謝飛鳥一鼠何勞嚇

下渚湖

春渚連天闊春風夾岸香飛花渡水急垂柳向人長遠岫分蒼
 紫垂波映渺茫此身萍梗爾泊處即吾鄉

定光禪院

曉出開霜破饑鳥啄麥畦山腰餘雪瘦天面冷雲低寒意梅花
 北禪心柏子西牕前借殘月照我渡前溪

宋元詩會卷之三十一

皖桐陳

焯默公輯選

後學程

仕松皋叅較

彭汝礪

字器資都陽人治平二年進士第一授保信軍推官歷武
 安彭州書記推官王安石嘉其詩義擢太子中允既而惡
 之神宗用為監察御史裏行首陳十事力爭中人與兵之
 非上為改容元豐初出判江西運代還提刑京西超為起
 居舍人進中舍賜金紫會吳處厚上蔡確謗詩汝礪封還
 謫辭坐落職知徐州入權兵刑二侍拜吏部侍郎言者謂
 嘗附會劉摯降知州州哲宗問所欲言對以用人行政口
 惟其是人惟其賢至郡數月而病朝廷將以密丞名用竟
 不待待卒
 年五十四

冬日道中作

夜卧衾裯單不敢嗟體寒晨餐蔬食微不敢歎腹饑重念饑寒
 民亦有甚我身我心若嗟吁彼俗當何如

行西城

我將行西城曲指計日月汝來今幾時已卜錢塘別吾衰况多
病苒口髻已雪安能久去汝漫自投羈紲田園苟可飯聲利非
吾屑與汝歸去來相看至耄耄蒼茫尚無淚空復愁如結

漢上謁劉執中

塵土能汚人有如衣匪澣驅車出闔閭縱目盡江漢漁舟泛青
雲灑灑雁為伴蘆花如飛雪時逐風散漫可憐獨清人憔悴行
澤畔

菊苗

重陽黃菊花零落殆無有微陽動淵泉嫩葉出枯朽青口好顏
色寂口霜雪後物理如轉環人生豈能久

栽竹

一生正能著幾屐曠達人稱阮遙集何可一日無此君風流我
愛王參軍夏葛冬裘吾便足由來世間無可欲但栽翠竹滿東
林我日對之歌且吟

荅同舍遊凝祥池

仙宮神靈之所宅樓閣倚天一千尺先生好遊猶扶冊藜莧不
慙五鼎食凝祥池頭三月春腰金騎狻多貴人天邊五岳烟霞
閨海上三山雨露新蛺蝶能飛燕能舞鳳凰在霄鴻在渚仙人
參鸞入雲霧寂口不聞青鳥語洞天將晚日沈口漁舟縹緲桃
源深紅玉坐看花著子青雲行見葉成陰疾雷怒飛風雨急瘦
馬不行歸旆涇投閒一日須一來歲時變化猶呼吸

惠州

霧暗山千疊水寒水一涯風高天作雪日晚露迷沙居士身如
夢行人驛是家青燈無意緒點口自成花

道中

湖天冬不雪山地晚多風岸草猶全綠村花或自紅
差池歲聿暮寂寞雨其濛南北隨蓬轉浮生寄寓中

夜泊睦州桐江

一水連銀漢千山擁古城客乘清夜息舟倚碧溪
橫皓月危峰影清風細浪聲嘔啞殊俗語慘淡異鄉情

大小沙陀

南障古北口北控大沙陀土地稻梁少歲時霜雪多
古來長用武今日許通和豈乏嫖姚將君王悟止戈

內鄉招提寺

淫雨宿蕭寺白雲思楚山病催顏色老淚衰鬢毛
斑流水終何極飛禽倦未還夢歸無別處驚嶺鳳林關

和君時余未至君時言有羣鵲集

舊重千金諾元為五日期水清冰破玉岩潤石凝脂
命駕不嫌遽舍車空悔遲多慙無道力有往鵲先知

和瑛師

江湖日夜著東流水上乾坤一點浮隔浦雲山隨客步
近村花竹慰人愁同舟自有林宗在結社還須惠遠遊
酒興正酣歸更懶坐看涼月上滄洲

送宗文先輩

夫子聲名二十年塵埃歎息欲華顛相如舊有凌雲賦
靖節今無種秫田南國寂寥歸見雁北風悲壯屢聞蟬
思量世事真如幻合置窮愁頓酒邊

山林

宋元詩會 卷之三十一 鈔本
鶴瘦松枯不自禁窮愁千緒欲相侵山林誰識謝公意風月獨
高梁甫吟行視水痕嗟不息靜看雲影愛無心懶隨塵土趨時
態欲就絲桐勻古音

和張侍讀總翠亭

城隅東北起危亭卧桷飛簷控地形萬井不藏平野綠一湖纔
見遠山青春歸會圃低華幄雨歇寒蕪露翠屏日暮登臨望樓
闕誤隨飛鳥下南溟

余十一月甲申以使來武岡坐茅茨之室逼閭閻之陋無
故人往來之樂懷羈旅不足之情于是出遊古山寺
在縣西十五里而山水俊拔深秀亦有愛者者因留置
酒抵暮還驛而作是詩

淡日沙村晚霜清溪路遙蠻人瞻虎節田父看星輅使指勤咨

問君費養調畏途諳跋涉遺策問芻蕘近雲長暝春遲雪未
消遠空低幕帝疊嶂露瓊瑤板屋誰家舍茅簷何處橋梅香浮
遠水藤古上重霄細草眠黃犢巔崖落皂雕兒童晴出牧婦女
晚歸樵椎髻騎吹笛斑衣行踏謠封疆連五嶺習俗帶三苗狐
鼠威溪老豺狼脫洞驕今當蒙潤澤久已靜氛妖歌舞隨鄉地
耕桑託聖朝威儀欣用古姓氏恥稱強僧至不千里寺名非
一朝小亭浮草莽高閣出岩堯泉細能沾潤峰危欲動搖會觀
禪味足還見講花飄茶汎波無跡香深篆未消遠遊貪物象久
客厭塵囂子美詩千首淵明醉一瓢倘來淹白晝輕去恨連霄
野色隨行李灘聲逐画橈鳥歸浮漠々旌旋雨蕭々淡月生昭
曠青燈照寂寥歲時惟箭激江海祗萍漂洪井連廬阜蒲山近
斗杓且從周夢去莫作楚辭招

送劉器之待制知真定府

時平謀帥重侍從輟名卿龍種三千騎虬髯十萬兵紅蓮王儉
幕細柳亞夫營側道諸侯謁還鄉故老迎試詢三將宅因過五
梁城漫樂潭園勝難忘魏關情守株嗟我老杖鉞壯公行祗恐
非朝夕君王名賈生

和國信子育元韻

雪餘稅馬立孱顏望盡南垂北際山一段黃雲凝不散居人說
是瓦橋關

泊真州新河亭

鬢毛垂雪欲毯七道路風波老不堪繫纜短亭聊自慰青山數

點見江南

鄭俠

字介夫福清人治平中隨父官江寧開戶苦學王安石知
其名邊與相見稱獎之舉進士高第調光州司法參軍值
安石居政府凡所施行民間不以爲便俠感舊知思欲盡
忠會秩滿入都三往見之安石問以爲外間聞見俠對曰青
苗免後諸事在俠心不能無區區也安石弗答俠退不復
見但數移書言法之爲民害者久之監之上門安石雖不
悅猶使其子雱及門客聚東美諭意欲辟爲修經局簡計
俠曰讀書無幾不足以及辱簡計相君果欲援俠而成就之
取其所以獻利民便物之事施行一二足矣是時自熙寧六
年七月不雨至于七年三月人無生意東北流民累在
道鵲面鳩形如草木不給仍以官逋身被鎖械俠知安石
不可諫悉繪爲圖假稱密急發馬遞上之銀臺司神宗得
所奏圖反覆觀之竟夕不寐翼日命罷免新法權息追呼
因下責躬詔求言三日大雨輔臣入賀帝示以俠所進圖
用是羣奸切遠安石上章求去而呂惠卿鄧綰環泣上前
詆俠爲狂夫阻撓美政故新法一切如故仍奏俠爲謗訕
編管汀州賴帝意不許但徙英州徽宗立赦復故官又爲
蔡京所奪宣和元年卒年七十九

贈雲門居士

雲門山石雲徘徊居士道與山崔嵬清時肥遁古亦有驚猿怨
鶴今誰偕居士高卧白雲堆山門時爲猿鶴開溪花野草自春

色雲芝石筍寧須栽
軟蒸抱石傾新醅
麋鹿慣我還無猜
寧知玉署思賢切
御手調羹待客來

次韻种道行衙賞蓮花

城中勢利如聚蛙
聒聒鼓鬧窮兩忽
聞携樽命真真賞
如見地涌金蓮花
况茲危亭跨高爽
極目四顧窮天涯
紅蕖繚遠已數畝
盛妝翠蓋相撐拿
輿肩不換足已到
咫尺異彼窮幽遐
居之自可換凡骨
不必飲露餐朝霞
行杯對奕較勝負
往來笑語成謹
謹歸來清風恐飄
帽月影已向西
樓斜長舒兩脚就
枕簟一覺一聽清
晨笳

示廬山寺老勝師

離鄉十九年日有
如年久歸來山水
亦依然人物存亡
半非舊廬阜之前
我舅宅此寺如我
東西家每來舅家
必到此舅自齒

稚今疎牙庾嶺閩
山四千里青衫謫
逐自我始築臺東
望幾悽涼親故滿
前爭不喜林下相
逢真寔人執手忘
言行處親還家一
百二十日五回松
下問禪因師住無
住我非動來不須
迎去不送大千沙
界等閒看尋常只
把毫端弄

和叔架滄浪亭

高亭矗矗水泠泠
笑指鷗鳧坐晚汀
遠不聞聲千櫓去
矯如爭秀數峰青
烟雲牕牖紛紛紛
雨露月蕪葭點點
星最好歸輿擁雙
壁笙歌燈火照仙
屏

同子忠上西樓

偶因送客上西樓
共愛佳城枕海取
雁翅人家千巷陌
犬牙商舶數汀洲
風吹細雨兼秋淨
雲漏疎星帶水流
獨有單親頭蚤白
迢迢東望不勝愁

幽居

蕭條深巷寄門墻城郭村居事異常石展地衣三藥徑徑圍天
柱十花檣幽禽隔樹鈎輶語異草搖風合和香不覺冬歸與春
到但知無事日偏長

示潮州妹子

八人兄弟三人在獨立他州信汝賢使始無情如槁木忍看垂
淚念南遷從今依舊歌泉水何物偏宜寄謫仙美酒年亡須百
甕好從南海便乘船

王令

字逢原廣陵今鄭州管城管城主簿世倫之子五孫長從
王安石遊期以遠到年二十八竟夭凡莽武進縣安石為
之銘曰始予愛其文章而得其所以言中予愛其節行而
得其所以行慨然賀以為可任天下之重而有功于天下
者今棄予而死矣妻吳氏
即荆公夫人之女弟也

荅束薇之索詩

世味久已諳多惡竟少好惟詩素所嗜沈切欲深造人安已不
休眾恥我獨冒有如懶行跡欲改復自蹈肝腸困撻尋吻舌倦
搏造心靈無餘多為此日有耗已勤尚無成既苦每自勞自笑
如秋蟬饑極不止噪努力排韓門屈拜媚孟竈惟此二公才百
牛飽懷抱我如餓旁者眄亡不得犒不知去幾多窮行竟未到
無門隔藩籬發罅窺堂奧愛之不可入抵觸發狂躁借使苟有
成不知竟何要孤名非所求弊俗詎足傲况乃非所及窮海未
為浩不知何時休定訖死與老因疑今世人恐有我同操薇之
才超高竿幢出標壽蘇為學尚淹蘊富蠹不冝暴文章內朱豹外
襲一以皂大論尤堅強推舟出行界珉砢不施功徑欲制珠瑁
幸此不我阻教誨日陳告昨因語及詩請我使自道屢謝不得

命迫窄遂顛倒披堅誘羸兵伏銳待穿盜取勝雖必然窮窮亦
堪悼勉為瓦礫投幸有金珠報

秋夜

秋夕不自曉百蟲齊一鳴時節適使然鼓脅亦有聲爭喧鼠公
盜窳穿蛇陰行獨有東家雞苦心為昏明

弱弱誰氏子

弱弱誰氏子鮮一何妹來奔富人家妻與富人俱嚴妝問夫
子我豈彼室如夫子笑遣之彼寧與汝都升堂由詐階德色溢
以舒親賓不敢笑退語相噉吁高堂聚羣婢唯諾相恣睢家事
忽不圖顧指取自如朝令折桂薪暮遣藩籬除風雨半夜來百
鮮生不虞屋壓盜隨至夫死別嫁夫東鄰有淑子性不事鉛朱
端居待人求正色不愿諛清鏡見白髮行媒不顧問不知愛妻

人取捨何異歟

雜詩二首

方春不種蘭終歲無自佩良田弗加芟徒穉亦無歲空令雨露
恩日夕被蒿艾安坐饑怨天此理果誰在
毯一晚春樹上下聚百蟲不有口似蠶則生尾如蜂設不二者
然亦徒生無庸清音不可居晚歲還秋風

寄崔伯易二首

擾一閭巷士過我何所為屢來徒我煩不來我弗思少年樂知
聞喜與客子隨晚歲事恬默與世益參差騎馬出尋人中路輒
自歸一來亦何樂書史自相期已與往者親可無茲世違欲語
無所得起視北雁飛

懶懶庭下樹陰日已敷癯一閉門人簾席自卷舒高枝就縣冠

曲枝挂裳裾還來從此息卧視詩與書拍拍門外客過從駕驪
駒不知彼何聞乃肯顧我閭呼兒往應門謂言出在途非我敢
厭客非客與我疎以予拙語言無以得客娛一不當客意恐與
世患俱不如兩相忘何能効紛如

夢蝗

至和改元之一年有蝗不知自何來朝飛蔽天不見日若以萬
布篩塵灰暮行噬地赤千頃積疊數尺交相埋樹皮竹籟盡剝
刮况又草穀之根芟一蝗百兒月在孕漸恐高厚塞九垓嘉禾
美草不敢惜却恐靡地陷入海萬生未死饑餓間支骸遂轉蛟
龍醢羣農聚哭天句血滴地爛皮句蒼句冥句遠復遠天聞不
聞不可知我時為之悲墮淚注兩目發為疾蝗詩憤掃百筆禿
一吟青天白日昏雨誦九原萬鬼哭私心直異天耳聞半夜起

立三千讀上天未聞間忽作遇蝗夢句蝗千萬來我前口似嚙
嚼色似冤初時吻角猶唧啖終遂大論如人然問我子何愚乃
有疾我詩我爾各生不相預子何詩我盍陳之我時憤且驚噪
舌生條枝謂此腐穢餘敢來為人譏爾雖族黨多我謀久已就
方將訖天公借我巨靈手盡拔東南竹栢松屈鉄纏縛都為帚
掃爾納海雁以山使爾萬唯同一朽尚敢記人言議我詩可否
羣蝗顧我嗟不謂相望多我欲為子言幸子未易啖我雖身為
蝗心頗通爾人爾人相名呼飲啜為主賓句飲啜嚼百豆爵主
不加詬翻歡欣此竟果有否子盍來我陳予應之曰然此固人
間禮賓介迎名來飲食固可喜蝗曰子言然予食何愧哉我豈
能自生人自召我來啜食借使我過甚從而加詬爾亦乖嘗聞
爾人中貴賤第第殊雍句材能官雅句仁義儒脫剝虎豹皮假

借克舜趨齒牙隱針錐腹腸包蟲蛆開口有福成頤指轉賞誅
四海應呼吸千里隨卷舒割剥赤子身飲血肥皮膚噬啖善人
黨嚼口不甯吐連牀列宇筮別屋間嬪妹一身萬椽家一口千
倉儲兒童襲公卿奴婢聯簪裙犬豕羨膏梁馬廐餘繡塗其次
爾人間兵早倡優徒子不父而父妻不夫而夫臣不君爾事民
不家爾居目不識牛桑手不親犁鋤平時不把兵皮革包矛矢
張口坐待食萬廩傾所須家世不藏機繪繡縣衣襦高堂傾美
酒鬻肉繪百魚良材琢梓楠重屋擊空虛貧者無室廬父子一
席居賤者餓無食妻子相對吁貴賤雖云異其類同一初此固
人食人爾責反捨且句我類蝗自名所食况有餘吳饑可食越
齊饑食魯邾吾害尚可逃爾害死不除而作疾我詩子言得無
迂

張巡

祿兒射火燒九天兇手不撲神聽旃羣庸仰口不甯唾反出長
喙噓之然睢陽城窮縮死螿危繫一髮縣九淵巡瞑睨遠兩背
折怒嚼齒碎鬚張肩恨身不毛劍無翼不能飛去殘賊嚙翁軀
腥刀子磔俎日嚼肉血猶經年霽雲東攘兩臂去西來才有九
指還胷中憤氣吐不散去隨箭入浮屠埒忠窮智索莫自劾更
嚮愛妾嘗餓涎我疑沒日賊不食恐其肉醜死不痊又疑身骨
不化土定作金鉄埋重泉何時山移陵谷變發出鼓鑄戈或鋌
吾如得之願有用不誅已然誅未然

古廟

古廟隆々敬庭扉風雨剝壁頽柱榦我來安知神所依穹堂憲
宰風幡旗神君龐軀爰鬚眉視我睨睨坐倨箕惕磔觀者駭不

怡羣鬼後先張福威直東之廂步逡迤日益所見怪可噉馬牛
羊犬雜豕雞或戴以首旁四支間有人面身亦非老祝趨前為
眾詞口吻囁嚅言嗚咿稱別狀類顧東西唱號名字分何誰空
虛冥漠非所期豈亦以此為人尸視其膚革已彪狸寧有中反
恬肝脾又有械器身挈持傳言厲疫此乃資古之日行歷虐危
猶恐盛陰鬼所隨磔儻于門驅使馳今安取此廟以祠不念延
虐殆冠羸農凶年多苦餓饑苟幸得飽不擇祈來則拜叩盡敬
祇幸天之澤偷自歸民德且恐報之時餽肴豐鮮牲魚肥欲奠
以獻更濯庖進謝千語拜百低工鼓于庭巫舞衣祝傳神醉下
福禧農謝神去祝徹之庭前剪裁棄餘遺鵲鳥下爭趨不飛回
顧神面如故時意者不為祭謝移嗚呼神固非吾知

思京口戲周器之

江南別日醉方醺貪愛青天帶水痕忘却碧山歸路直誤投浮
世俗塵昏終期散髮江邊釣當有漁舟日繫門但恨故人猶喜
仕他時胃腹未堪論

寄東伯仁

身逐南舟去不迴匡廬留滯得徘徊峯頭夜宿平看斗岩下朝
陰俯聽雷西顧波濤浮日月東歸天地入塵埃何時得遂幽棲
志常把韋編靜處開

紙鳶

誰作輕鳶壯遠觀似嫌飛態未多端終乘一線憑風去便有愚
兒仰面看未必碧霄因可到偶能終日逐為安扶搖不起滄溟
遠笑殺搏鵬似爾難

古鑑

一片靈光合有神不知鎔鑄竟何人春耕破冢衣冠盡鬼手摩
天日月新鑑面祇知西子姣照心難見比干真主人深有收藏
意當待清明不受塵

九日寄滿子權

懶將衰病照清流為有歸心欲白頭幸自好花開便笑不甘為
客見成愁長歌欲強秋風醉高處先輸俗子遊我在無聊元亮
死當年今日共悠悠

荅孫莘老見寄

高門鞍馬日光榮勢力紛々起共爭偶以不能聊自便敢于茲
世獨求清生無人愧寧非樂死有天知豈待名客食官居同偶
爾何須稱別異別生

登郡樓

江城朝雨濕晴烟樓上風帆送去船苟得息肩間歲月時來開
口笑山川田園啼鳥三春日江海扁舟萬里天何計脫身來此
老青山白髮兩忘年

秋日懷子權

樓前暮靄暗平林樓上人愁意思深未必薄雲能作雨從來秋
日自多陰三年客夢迷歸路一夜西風老壯心欲作新聲寄遺
恨直絃先斷淚盈琴

寄介甫

天門廉陛鬱巍々勢利寧無澹泊譏難與跼徒爭有道好思吾
黨共言歸古人踽踽今何取天下滔滔已非終見見乘槎去滄
海好留餘地許相依

金山寺

萬頃清江浸碧瀾乾坤都向此中寬樓臺影落魚龍駭鐘磬
來水石寒日暮海門飛白鳥潮回瓜步見黃灘常時戶外風波
惡祇得高僧靜處看

謝張和仲惠寶雲茶

故人有意真憐我靈苻封題寄華門與療文園消渴病還招楚
客獨醒魂烹來似帶雲雲脚摘處應無穀雨痕果可同嘗竹林
下寒泉猶有惠山存

劉景文

嘉祐間以左班殿直監饒州酒稅王安石提點江東刑
獄極賞其詩按劉本名景文季孫其子也

廣武山懷古

楚漢兵相接乾坤晝亦暝虎爭千里震龍戰四郊腥故壘從誰
問巖祠自昔靈北風吹敗木落日任飄零

寄蘇內翰

倦雁鰲頭請左符笑尋穎尾為西湖二三賢守去非遠六一清
風今不孤四海共知霜鬢滿重陽曾插菊花無聚星堂上誰先
到欲傍金罇倒玉壺

饒州酒務

風吹燕語落簷間底事驚回夢裏聞說與傍人渾不解杖藜携
酒看芝仙

越山寺看泉

竈谿有路蓮花引鷺嶺無時雲霧生聊放此身留蚱蜢不逢人
處聽泉聲

守關

晨雞三叶未開關留滯行人更解鞍却上月明高處立曉風吹

面作清寒

陳師道

字履常一字無已彭城人少而苦志力學年十六以文謁曾鞏一見奇之熙寧中王氏經學盛行師道心非其說遂絕意進取元祐初蘇軾傳堯俞等屬于朝廷為徐州教授遷太學博士以越境出見蘇軾為言者所中罷歸調彭澤令不赴久之名為祕者正字遠過郊祀行禮寒甚無綿衣妻假諸趙挺之家師道與挺之為寮壻而素惡其人竟不月服以寒疾卒年四十九

觀克文忠公家六一堂圖書

生世何用蚤我已後此翁頗識門下士略已聞其風中年見二子已復歲一終呼我過其廬所得非所蒙先朝羣玉殿冠佩環羣公神文煥王度喜色見天容御榻誰復登帝書元自工黃絹兩大字一覽涕無從似欲託其子天意人與同歷數况有歸敢有貪天功集古一千卷明正並羣雄誰為第一手未有百世公

廟器刻科斗寶樽蟠華蟲緬懷弁服士酬獻鳴璫瑤插架一萬軸遺子以固窮素琴久絕絃棊酒頗閑供向來一瓣香敬為曾南豐世雖嫡孫行名在亞子中斯人日已遠千歲幸一逢吾老不可待露草濕寒蒼

次韻荅秦少章

學詩如學仙時至骨自換縹緲鴻鵠衆日焉能玩子從淮海來一啄當百難師儒有韓孟拭目互驚惋老生時在傍縮手愧顏汗黃公金華伯莞爾回一眄彼方試子難疾前不應悞要當攻石堅勿作搏沙散植壁雖具美礧錯加璀璨我老不足畏後生何可慢

示示子

去遠即相忘歸近不可忍兒女已在眼眉目略不省喜極不得

宋詩集 卷之三十一
語淚盡方一晒了知不知夢忽忽心未穩

咸平讀書堂

昔人三百篇善世已有餘後生守章句不足供嘯嘯一登吏部
選筆硯隨掃除閉閣畫眉嫵隔屋聞歌呼奉公用漢律寧復要
詩書俛首出跨下枉此七尺樞今代陶朱公不足大梁屠計然
特未用意得輕全吳為邦得畿縣政密自計踈寧書下下考不
奉急急符用意簿領外築室課典謨平生五千卷還舍不問塗
近事更漢唐稍以詩自娛復作無事飲醉卧擁青奴桃李春事
繁軒牕畫景鳴屋鳩渴雨窺簾燕哺雛休吏散篇帙風篁獻笙
竽聽然一啓齒斯民免為魚

贈二蘇公

岷峩之山中已江桂椒柎樞楓柝樟青金黃玉丹砂良獸皮鳥

羽不足當異人間出駭四方嚴王陳李司馬揚一翁二季對相
望竒寶橫道驥服箱誰其識者有歐陽大科異等固其常小却
盛之白玉堂典謨雅頌用所長度越周漢登虞唐千載之下有
素王平陳鄭毛視荒_七後生不作諸老亡文體變化未可量萬
口一律如吃_七妖狐幻人大陸梁虎豹却走逢牛羊上帝惠顧
祓不祥天門夜下龍虎章前驅吳回後炎皇絳旂丹轂朱冠裳
從以甲冑萬鬼行乘風縱燎無留藏天高地下日月光授公以
柄扶病傷士如稻苗待公秧臨流不度公為航如大醫王治膏
盲外證已解中尚強探囊一試黃昏湯一洗十年新學腸老生
塞口不敢嘗向來狂殺今尚狂請公別試囊中方

次韻蘇公西湖徒魚

窮秋積雨不破塊霜落西湖露沙背大魚泥蟠小魚樂高丘覆

杯水如帶魚窮不作搖尾憐公寧忍口不忍鱠修鱗失水玉參
差晚日搖光金破碎咫尺波濤有生死安知平陸無灘瀨此身
寧供刀凡用著意更須風雨外是間相忘不為小濠上之意誰
得會枯魚雖泣悔可及莫待西江與東海

古墨行并序

晁無斃有李墨半丸云裕陵故物也往於秦少游家見李墨
不為文理質如金石亦裕陵所賜王平甫所藏者潘谷見之
再拜云真廷珪所作也世惟王四學士有之與此為二矣嗟
乎世不乏奇乏識者耳敬為長句率無斃同作

秦郎百好俱第一烏丸如漆姿如石巧作松身與鏡面借美於
外非良質潘翁拜跪摩老眼一生再見三歎息了知至鑿無遁
形王家舊物秦家得君今所有亦其亞伯仲小低猶子姪黃金
白璧敦不有古錦句囊聊可敵睿思殿裏春夜半燈火闌殘歌
舞散自書細字蒼邊臣萬里風塵入長算初聞橋山送弓劍寧
知玉盃人間見夜光炎々衝斗牛會有太史占星變人生尤物
不必有時一過目驚老醜念子何忍遽磨研少待須臾圖不朽
明牕淨几風日暖有愁萬斛才八斗徑須脫帽管城公小試玉
堂揮翰手

謝趙使君送烏薪

欲落未落雪近人將盡不盡冬雁春風枝水瓦有去鳥遠坊窮
巷無來人忽聞叩門聲遽速驚雞透籬犬升屋使君傳教賜薪
炭效圍那解思寒谷老身面直不足云冷牕凍壁作春溫定知
和氣家々到不獨先生席作門

贈知命

黑頭居士元方弟不肯作公稱法嗣外人怪笑那得知他日靈
山親授記學詩初學杜少陵學書不學王右軍黃塵扶杖笑鄰
女白衫騎驢驚市人靜中作業此何因醉裏逃禪却甚真顧我
無錢呼畢曜有人載酒尋子雲君家魯直不解事愛作文章可
人意一人可以窮一家怪君又以才為累請將飲酒換吟詩酒
不窮人能引睡不須無事與多愁老不欲醒惟欲醉

和魏衍聞鶯

春力著人朝睡重葉底黃鸝鳴自送綠幕朱欄日觀明回廊側
戶風簾動昨夜春回到寒谷好鳥飛來把修竹整翰厲觜初一
鳴已落君詩專妙獨退紅著綠愁緒昏後時獨立知何言側聽
不盡已飛去懷抱此時誰與論

送江端禮

正學元非世能詩新有聲諸公文郭泰多士閉何生汎愛經過
數移書底裏傾又為淮海別病眼向誰明

登燕子樓

綠暗連村柳紅明委地霞画梁初著燕廢沼已鳴蛙鷓沒輕春
水舟橫任淺沙相逢千歲語猶說一枝花

寒夜

留滯常思動艱虞却悔來寒燈挑不焰殘火撥成灰凍水滴還
歇風簾掩復開熟知又有忌情至自生哀

九月十三日出善利門

十載都城客孤身冒百艱一饑非死所萬里有生還去國吾何
意歸田病不閑共看霜白鬢似得半生閒

湖上晚歸寄詩友

髭髮難藏老湖山穩寄身却尋方外士招作社中人霜葉深于
染秋花晚自春無人還有碍詩卷莫辭頻

遊鶴山院

積石橫成嶺行楊密映門人聲隱林杪僧舍遠雲根垣攝塵緣
盡方知象教尊只應羊叔子名字與山存

和彥詹題遠軒

開總得遠意興出杳冥間芳草日邊路片雲天外山好花和露
斲修竹夾藤剛每許南鄰伴時來一寄顏

次韻無斁雪後

閉閣春雲薄開門夜雪深江梅猶故意湖雁起歸心草潤留餘
漑臆明度積陰勤報春信屋角有來禽

雪後黃樓寄梅山居山

林廬烟不起城廓歲將窮雲日明松雪溪山逗晚風人行圖畫
裏鳥度醉吟中不盡山陰興天留憶戴公

寄潭州張芸叟

湖嶺一都會西南更上游秋盤堆鴨脚春味薦猫頭宣室思來
暮蒸池得借留熟知為郡樂不動越鄉愁

蚤春

度臘不成雪迎年遽得春冰開還舊綠魚喜躍修鱗岸柳絲
發羈愁處口新老懷吾自異不是故還人

除夕對酒贈少章

歲晚身何託燈前客未空半生憂患裏一夢有無中髮短愁催
白顏衰酒借紅我歌君起舞潦倒略相同

雲意

宋元詩會 卷之三十一 二十七 鈔本 存素堂

榆闕書不到雪又滿平蕪指冷頻呵玉骨寒屢掩酥綠斟冬至
酒紅擁夜深爐塞上風沙惡征衣得達無

和黃克實詠榴花

春去花隨盡紅榴暖欲然後時何所恨處獨不祈憐葉已自相
偶重已久更鮮流珠沾暑雨改色淡朝烟

南豐先生挽詞

蚤棄人間事真從地下遊丘原無起日江漢有東流身世從違
裏功名取次休不應須禮樂始作後生仇

丞相溫公挽詞二首

百姓歸周老三年待魯儒世方隨日化身已要人扶玉几雖來
晚明堂訖受圖心知愛諸葛終不羨曹蜩
少學真成已中年獨著書較耕扶日月起廢極吹噓樂志寧論

晚成功不願餘一為天下慟不敢愛吾廬

野望

霜葉紅于染吹花落更馨平江行詰屈小徑夾蔥青度鳥開愁
眼遙山入画屏畏人惟可殷從俗却須醒

西湖

小徑才容足寒花自送香官池下鳧雁荒塚上牛羊有子吾甘
老無家去未量三年哦五字草木借餘光

第二句一作只自香

寓目

曲二河回復青二草接連去帆風力滿來雁雪聲先野曠低歸
鳥江平進晚船望鄉從此始留眼未須穿

晚坐

柳弱知春色梅寒釀雪花溪明數積石月過戀平沙病減還增

樂年侵却累家後歸棲未定不但指昏鴉

宿濟河

燭暗人初寂寒生夜向深潛魚聚沙窟墜鳥滑霜林稍作他年計初回萬里心還家祇有夢更著曉寒侵

歸雁

弧矢千夫志瀟湘萬里秋寧為寶箏柱肯作帛書郵遠道勤相喚羈懷誤作愁聊寬稻梁意那復網羅憂

贈歐陽叔弼

蚤知汝穎多能事晚以詩書託下僚大府禮容寬懶慢故家文物尚嫖姚只將憂患供談笑敢望功言答聖朝歲歷四三仍此地家餘五一見今朝

送蘇迨

胷中歷已著千年筆下源已赴百川真字飄揚今有種清談絕倒古無傳出塵解悟多為路隨世功名小著鞭白首相逢恐無日幾時書札到林泉

寄亳州林侍制

湖海相望闕寄聲雲林過雨未全晴青衫作吏非前日白首論文笑後生似聽兒童迎五馬稍修書札問專城一聞苦李蒙莊句不復人間世後名

寄杜擇之

詩家兩杜昔無鄰文采風流世有人疾置送詩驚老醜坐曹得句自清新興來不假江山助目過渾如草木春農馬智專吾不讓衡陽紙貴子能頻

次韻夏日

江上雙峰一草堂門閒心靜自清涼詩書發冢功名薄麋鹿同
羣歲月長句裏江山隨指顧舌端幽眇致張皇莫欺九尺鬚眉
白解醉佳人錦瑟傍

春懷示鄰里

斷牆著雨蝸成字老屋無僧燕作家刺欲出門追語笑却嫌歸
鬢著塵沙風翻蛛網開三面動動蜂窠趁兩衙屢失南鄰春事
約只今容有未開花

和李使君九日登戲馬臺

登高能賦屬吾儕不用傳杯擊鉢催九日風光堪落帽中年懷
抱更登臺江山信美因人勝萸菊逢辰滿意開二謝風流今復
見千年留句待公來

送晁堯民守徐

中年為別不堪憂束髮登門到白頭南有望郎仍國士東方千
騎更吾州彭翁老壽終遺骨燕子飛來只故樓知己難逢身易
邁煩公置醴我歸休

連日大雪以疾作不出聞蘇公與德麟同登女郎臺

掠地衝風敵萬人蔽天密雪幾微塵漫山塞壑疑無地投隙穿
帷巧致身晚積讀書今已老閉門高卧不緣貧遙知更上湖邊
寺一笑潛回萬室春

登彭祖樓

城上危樓江上城風流千載擅佳名水兼汴泗浮天濶山入青
齊煥眼明喬木下泉餘故國黃鸝白鳥解人情須知壯士多秋
思不露文章世已驚

和富中容朝散值雨感懷

節物驚心懶復嗟樽中酒盡復誰賒風撩雨脚俄成陣雪閣雲
頭欲結花萬里可堪長作客一年將盡未還家自憐落日終難
合白首詩書謾五車

謝贊闈黎見訪

好在談經老上人衝風踏雪到江濱百篇出篋自新得一鉢隨
身依舊負終歲杜門逃俗士為師設榻對修筠蒲團藜杖焚香
坐此意此時無點塵

和沈世卿推官見寄

倦看世態久低徊且置窮通近酒杯未忍一身閒處著暫容雙
眼醉時開為呼阿武扶頭起擬與山公倒載回好在東籬舊時
菊無心準擬白衣來

簡李伯益

藿蘆度歲每無餘垂橐東歸口未餬負裏交遊新斷絕老來光
景半消除時情視我門前雀人好看君屋上烏尚喜敝廬連蔣
徑願求佳句遞髯奴

九日無酒書呈漕使韓伯修大夫

老大悲傷節物催酒腸枯涸壯心灰慙無白水真人分難置青
州從事來倦筆懶從都市出醉眸剛為麵車回黃花也似相欺
得坐對空樽不肯開

九日寄秦少游

疾風迴雨水明霞沙步叢祠欲暮鴉九日清樽欺白髮十年負
客負黃花登高懷遠心如在向老逢辰意有加淮海少年天下
士可能無地落烏紗

和黃預七夕

盈一水不斯須經歲相過自作踈坐待常禽報佳會徑須飛
雨洗香車超騰水部陳篇上收拾愚溪作賦餘信有神仙足官
府我寧辛苦守殘書

次韻李節推九日登山

平林廣野騎臺荒山寺鳴鐘報夕陽人事自生今日意寒花只
作去年香中歌更覺霜侵鬢語妙何妨石作腸落木無邊江不
盡浮生此日更須忙

和和叟梅花

百卉前頭第一芳仿臨粉水浸寒光卷簾初認雲猶凍逆鼻渾
疑雪亦香鼎寔自期終有待天真不假更勻妝江南望斷無來
使且伴詩翁入醉鄉

送王元均貶衡州兼寄元龍

先生秀句滿江東二子緣渠得再窮詩禮向來堪發冢孫劉能
使不為公炎方瘴厲消軒豁故國山河閱始終傳語元龍要相
識江湖春動有來鴻

題柱并序

永安驛廊東柱有女子題五字云無人解妾心日夜長如醉
妾不是瓊奴意與瓊奴類讀而哀之作二絕句

桃李催殘風雨春天孫河鼓隔天津主恩不與研華盡何限人
間失意人

從昔嬋娟多命薄如今歌舞更能詩孰如如一文雅河陽令不
削瓊奴柱下題

偶書

書當快意讀易盡客有可人期不來世事相違每如此好懷百

歲幾回開

絕句

密二丹房疊二花一枝臨路為人斜
丁寧語鳥傳春意白下門
東第幾家

謝趙生蕙芍藥二首

從微至老走風塵喜見鄉園第四春
獨舞東風醉西子改緣無語却宜人

九十風光次第分天憐獨得殿殘春
一枝賸欲簪雙鬢未有人間第一人

從寇生求茶庫紙

南朝官紙女兒膚玉版雲英比不如
乞與此翁元不稱他年留待大蘇書

十七日觀潮二首

潮頭初出海門山千里平沙轉面間
猶有江神憐北客欲將竒觀破衰顏

江水悠悠二自在流向人無恨不應愁
相逢不覺渾相似誰使清波蚤白頭

放歌行二首

春風永巷閉娉婷長使青樓誤得名
不惜捲簾通一顧怕君著眼未分明

當年不嫁惜娉婷抹白施朱作後生
說與傍人須蚤計隨宜梳洗莫傾城

俞紫芝

字秀老神宗時人其籍揚州其學浮屠其詩警句多傳於世

宋元詩會

卷之三十一

二十四

存素堂

南澗夕月

華髮念秋晚青燈憐夜長香團菊花露著橘林霜月在在北牕
底人行南澗旁婆婆不知去身與雨俱忘

旅中諭懷

白浪紅塵二十春就中奔走費光陰有時俗事不稱意無限好
山都上心一面琴為方外友數篇詩當橐中金會須將爾同歸
去家在碧溪烟樹深

詠草

滿日芊芊野渡頭不知若箇解忘憂細隨綠水侵離館遠帶斜
陽過別洲金谷園中荒映月石頭城下碧連秋行人悵望王孫
去買斷金釵十二樓

歲杪山中

石亂雲深客到稀鶴和殘雪在高枝小軒日午貪濃睡門外春
風過不知

蔡肇

字天啓丹陽人能為文尤長歌詩從蘇軾遊聲譽甚著第
進士歷江陵推官通判常州徽宗初召修國史以人言提
舉兩浙刑獄張商英當國引為禮部員外
進拜中書舍人又以人言落職主官觀卒

題畫授李伯時

鴻雁歸時水拍天平岡老木尚依烟借君餘地安漁艇乞我寒
江聽雨眠

汎舟橫塘遇雨

平野風烟入夢思殷勤作畫更題詩扁舟卧聽橫塘雨恰遇江
南歸雁時

宋文公集

卷之三

三

鈔本

馬

宋文公集
卷之三
三

